

Ampox carta xato'as judíoslíajwa, Jesús pejwajjan naexasitilíajwa

*Dios to'apox paxulan, japon naewhajnalíajwa
jív*

¹ Chajíakolaxtat Dios pin-iaveces xabich baxto'a pejprofetas, japi profetas jamchilíajwapi wajwajjanaríjív Dios baxto'aspoخان. Do jawux, profetas naewhajan wajwajjanaríjív Dios baxto'aspoخان.

² Do baxael, Dios to'a paxulan xatis naknaewhajnalíajwa Dios matabilíajwas. Chajíakolaxtat Dios to'a paxulan islíajwa ampáthat, puxa thatbaxotatpibej. Do jawux, Dios paxulan to'a japon puxa japoخان tataeflíajwa.

³ Dios paxulan xabich pachaempon. Me-ama pax Dios xabich pachaem, ja-aechbej paxulan. Dios paxulan xajur puxa islíajwa jam-aechpoxtat, mamnik xoton. Puxa japon ispoخان ampáthatat, athuxotsebej, nakiowa amwutjel pachaemsfal japon píjaxtat. Dios paxulan tur cruztat xatis babíjaxan isaspoخان ajilíajwa Dioslíajwa. Jawux chíjialison athu poxase ekalíajwa pax poklalel, japon sharich, puxa tato'lalíajwa.

*Dios paxulan kaes pejme pachaemproh, me-ama
ángeles, jachi-elon*

⁴ Dios paxulan kaes pejme pachaem. Me-ama ángeles, jachi-elon. Dios tapaei paxulan puexa tato'laliajwa, japon suapich. Dios tapaeibej ángeles kaesuapich tato'laliajwa.

⁵ Dios jum-aech paxulanliajwa:

“Xam taxulnam. Amwutjel puexa jiw matabijaxael xam diachwujnakolax taxulnam” –aech Dios. Dios jum-aechbej asew jiw chiekal matabijaliajwa japon paxulanliajwa: “Xanlap japon paxnan. Japon xan taxulan” –aech Dios. Dios japox jumchi-el kaen ángelliajwa. Dios japox jum-aech paxulankalliajwa. Samata, matabijas Dios paxulan kaes pejme pachaempon. Me-ama ángeles, jachi-elox.

⁶ Dios paxulan to'aliajwa wut ampathatlelsik, jum-aechon ángellesliajwa:

“Xamal puexa brixtat nuilaxaelam taxulan pejwujnalel, sitaeyaxaelam xot” –aech Dios ángellesliajwa.

⁷ Dios jum-aechbej:

“Taj-ángeles tajjamechan xananuamspijwaxael asew jiwliajwa. Ángeles pabisa. Me-ama joewa wut, ja-aech. Japibej, me-ama jitkaech-ia'an wut, ja-aech jiw toejafaliajwa, pejbuhwujjanpi xanliajwa” –aech Dios.

⁸ Dios jum-aech paxulan jumtaeliajwa:

“Xam Diosnam. Tato'laxaelam pomatkoicha. Xam puexa tato'lam wut, chiekal tato'laxaelam.

⁹ Xam nejxasinkam isliajwam pachaempoxan. Xambej nejwesla isliajwam pachaema-elpoxan. Samata, xam makafitx tajaxtat

kaes nejchachaemlaliajwam. Me-ama nejnachala nejchachaemil wut, xam jachiyaximil” —aech Dios paxulanliajwa.

10 Dios pejme jum-aech paxulanliajwa:

“Xam paklonam. Isam ampathat, puexa ajil wut. Isambej thatbaxo.

11 Puexa xam isampoxan, baxael, paduj nado-faxael. Me-ama padujnaxoe, jachiyaxael japoxan, asamatkoi, puexa toep wut. Pelax xam toepaximil, pomatkoicha dukaxaelam xot.

12 Me-ama jiw truka padujnaxoe, xambej asamatkoi jakichiyaxaelam thatbaxoliajwa, ampathatliajwabej. Do jawux, pajelthatbaxo, pajelthatbej, xam isaxaelam. Pelax xam, me-ama amwutjel, jachisfulaxaelam pomatkoicha, xam toepaximil xot” —aech Dios paxulanliajwa.

13 Dios jumchi-el kaen ángelliajwa:

“¡Ekde tajpoklalel puexa jiw tato'laliajwam! Nadaelmajiw malechaxaelen japi xam naexasisliajwa to'axaelampox” —chi-el Dios pej-ángesliajwa. Pelax Dios japox jum-aech paxulankalliajwa.

14 Puexa ángeles, japi espíritus. Samata, japi taeyaxisal. Japi duil isfulaliajwa Dios tato'alpoxan. Japi to'as potujajucha kajachawaesliajwa jiw. Japi jiw Dios bu'weyaxaes.

2

*Xatis naekuanjiamsaxisalpox Jesús
pejwujanjaiajwa*

¹ Xatis chiekal matabijas Dios paxulan kaes pejme pachaem. Me-ama ángeles, jachi-el Dios paxulan. Samata, xatis naekuanjiamsaxisal, naknaewuajan wut chimiawuajan, japon pejuwajan. Kaes chiekal naexaxisaxaes kofasamatas japawuajan.

² Chajiakolaxtat Dios pajut buxto'a ángeles, japi charaeliajwa Moisés Dios pejtato'laxan, japoxan jiw naewuajnalijwas. Do jawux, Moisés jap-atato'laxan lel. Jiw naexaxis-elpi japatato'laxan, japi Dios kastikas.

³ Samata, xatis naekuanjiamsaxisal chimiawuajan, Dios paxulan pejuwajanliajwa, xatis Dios nakbu'welijwa. Wajpaklon Jesucristo jum-aech jiw bu'weyaxaelpox. Japi jiw pajut matabija wut japawuajan diachwuajnakolaxpox, ja-aech wut, xatisbej japox chiekal naknaewuajanpi.

⁴ Japi jiw, xatis naknaewuajan wut, isbejpi koechaxan Dios pijaxtat. Espíritu Santobej kajachawaech japi kaenanula isliajwa Dios nejxasinkpoxan. Samata, xatisbej matabijas naknaewuajanpoxan, diachwuajnakolaxpoxan.

Jesucristo nalaelt wut, me-ama yamxi nalaela wut, ja-aechpox

⁵ Asamatkoi, ampathat pajelthat wut, jawut Dios tapae yaxil ángeles tato'lalijwa japathatat.

⁶ Dios pejjamechan, chajia lelspx, jum-aech wut, jum-aechox jiw kaes pejme pachaemax-aelpoxliajwa. Me-ama Dios pej-ángeles, jachiyaxil jiw. Japoxbej Dios pejjamechan, chajia lelspx, jum-aech wut, jum-aechox:

“Dios, xam kaes xabich pachaemam. Me-ama jiw, jachi-emil. Ja-am wut, ¿ma-aech xotkat xam nakiowa nejchaxoelam jiwliajwa?

⁷ Xam jiw isam wut, japi jiw puexa chiekal pachaema-ellejen. Me-ama ángeles xabich pachaem, jachi-el japi jiw. Pe nakiowa, asamatkoi, japi jiw xam chiekal naexasit wut, japi kaes pejme pachaemaxael xamliajwa. Me-ama ángeles, jachiyaxilpi pachaempox. Ja-aech wut, puexa kaes pejme sitaeyaxaesi.

⁸ Samata, asamatkoi xam tapaeyaxaelam japi jiw tato'laliajwa puexa isampoxan” —aech Dios pejjamechan, chajia lelspx, japi jiwliajwa. Dios tapaei wut jiw tato'laliajwa puexa Dios is-poxan, japi tato'laxael puexa. Tataeflaxaelbejpi. Pe xatis amwutjel tae-esal jiw puexa tato'alpox, tɥadus-el xotfuk.

⁹ Jesús ampathatat nalaelt wut, kaes xabich pachaempon. Me-ama ángeles, xabich pachaem wut, jachi-el Jesús. Dios naknejxasink xot, paxɥlan to'a nalaelsliajwa ampathatat, xabich nabijasliajwa. Do baxael, Cristo tɥp xatis babijaxan isaspoxanliajwa. Samata, Dios tapaei japon ekaliajwase Dios poklalel, puexa jiw tato'laliajwa.

¹⁰ Dios puexa is wut, japoxan japon pajutliajwa. Dios xabich nejxasink japi jiw chiekal naexasisliajwapi japon pejjamechan. Nejxasinkbejpon japi jiw japon pejjiwaliajwa. Nejxasinkbejpon japi jiw chiekal pachaemaliajwa, me-ama Dios pachaem, jachiliajwa japi jiw. Samata, Jesucristo tapaeis

xabich nabijasliajwa, tɘp wɘton cruztat jiw babi-jaxan ispoxanliajwa.

¹¹ Amwɘtjel xatis babijaxan isaspoxan ajil xatisliajwa, Jesús tɘp xot cruztat xatisliajwa. Japon pax, xatisbej japon waj-ax. Samata, Jesús bɘxdala-el jɘmchiliajwa: “Ampi jiw takoew” – chiliajwapon xatisliajwa.

¹² Dios pejjamechan, chajia lelspx, jɘm-aech wɘt, jɘm-aechox Jesús jɘmchiyaxaelpx pax Dios jɘmtaeliajwa:

“Asamatkoi jɘmchiyaxaelen, puexa takoew sɘapich, xamliajwa. Puexa takoew sɘapich, natamejlax wɘt, xanal xabich himno jajuiyaxaelen xam nejchachaemlaliajwam” –aech Jesús jɘm-aechox pax Diosliajwa.

¹³ Dios pejjamechan, chajia lelspx, jɘm-aech wɘt, jɘm-aechox Jesús jɘmchiyaxaelpx pejnachalaliajwa:

“Xan taj-ax, Dios, xanaboejsaxaelen nakajachawaesliajwa” –aechox.

Japafɘtxot jɘm-aechbej Jesús jɘmchiyaxaelpx pejnachalaliajwa:

“Xan amxotx, japi sɘapich, Dios nachaxdutpi sɘapich” –chiyaxaelpx.

¹⁴ Jesús ampathatat nalaelt wɘt, me-ama yamxi nalaela wɘt, ja-aechon. Samata, Jesús xajɘp tɘpaliajwa, xatis babijaxan isaspoxanliajwa. Samata, Jesús tɘp wɘt, malechapon Satanás. Jiw tɘp Satanás pijaxtat.

¹⁵ Jesús tɘp wɘt, chiekal toep pomatkoicha wɘjlewlapox tɘpaliajwas.

16 Diachwajnakolax Jesús fúlae-elsik ampathatasik japon kajachawaesliajwa ángeles. Pelax japon fúloek kajachawaesliajwa Abraham pamojiw, japi naexasitpi Dios, me-ama Abraham, ja-aechpi.

17 Samata, Jesús nalaelt ampathatat Dios kawajnalialjwa xatisliajwa. Nakbeltaenbejpon. Iapon Dios to'aspox. Samata, pajut natapaeipon padaelmajiw kimatamatlaliajwas cruztat. Japon tɔp wɔt, Dios nakbeltaen toepaliajwa wajbu'wajjanpox.

18 Jesús nabijat, Satanás xapaejtas wɔt babijax isliajwa. Pe Jesús is-el babijax. Samata, Jesús xajɔp pejjiw kajachawaesliajwa, japibej xapaejas wɔt Satanás.

3

Amxotpox jɔm-aechpox Jesús kaes pejme pachaempon, me-ama Moisés pachaem wɔt, jachi-elpon

1 Takoew, xamal Dios pejjiwam, makanot xoton japon pejjiwaliajwam. Nejchaxoelam wɔt, jchiekal nejchaxoelde Jesucristoliajwa, japon Dios to'akas ampathatasik xatis naknaewajnalialjwa Dios pejjamechan! Jesús diachwajnakolax sacerdotekolan, japon Dios nakwekawajnalialjwa Dios nakkajachawaesliajwa xatis.

2 Chajiakolaxtat Moisés chiekal tataeful puexa Dios pejjiw, Dios japox to'as xoton japi israelitas tataeflialjwapon. Jesúsbej chiekal is Dios pijax bichax ampathatat.

3 Jesús kaes pejme pachaem. Me-ama Moisés pachaempon, jachi-el Jesús. Jesús kaes pejme

xabich sitaens, jiw bu'weyaxael xoton, naexasiti japon pejwɔajan. Bachan isanbej sitaens. Me-ama japon ba ispox sitaens wɔt, jachi-esal.

⁴ Xatis bachan taens, jiw isbachan. Pe Dios ampathatat puexa nejmach is.

⁵ Chajiakolaxtat Dios pajut to'a Moisés chiekal tataeflaliajwa puexa Dios pejjiw. Samata, Moisés chiekal naexasit, Dios to'as wɔt. Moisés jum-aechbej asamatkoi Dios jumchiyaxaelpoxan jiwli-ajwa.

⁶ Cristo, Dios paxulan, chiekal naktataeflaful, Dios pejjiwɔs xot. Chiekal naexasich wɔt Cristo pejwɔajan, nejchachaemlas wɔtbej Dios nakbu'weyaxaelpoxliajwa, jatis wɔt, pomatkoicha Dios pejjiwaxaes.

Dios tapaejaxaelpox pejjiw leliajwa japonxotse

⁷⁻⁸ Kaes pejme pachaem Jesucristo. Me-ama Moisés, ángelesbej, jachi-el Jesucristo. Samata, ¡Jesús chiekal naexasisfulde! Dios pejjamechan chajia lelsxot jum-aech, Espíritu Santo jum-aechpox:

“Amwɔtjel, xamal jumtaenam wɔt Dios jum-aechpox, ¡nabej naexasisle' Dios naexasisliajwam! Me-ama asew nejwɔajnapijiwxot, naexasis-eli Dios, ¡xamal nabej ja-aeché! Chajiakolaxtat pajilaxtat japi duilaful wɔt, japi nejwesla isfulaliajwa Dios tato'laspoxan. Japi naexasisfula-el Dios. Pe nakiowa, japi toes-esal Dios.

⁹ Nejwɔajnapijiw naexasis-el, Dios pajilaxtat wɔti. Naexasis-elbejpi, Dios to'as wɔt.

Cuarenta waechan Dios is koechaxan nejw_{uaj}napijiwliajwa. Japoxan taen w_{ut}, nakiowa naexasisfula-eli, Dios tato'las w_{ut}.

10 Samata, Dios palala nejw_{uaj}napijiwliajwa. Dios jum-aech: 'Japi naexasisfula-el, xan tato'lax w_{ut}. Nejwesla isliajwa xan tato'laxpoxan' – aech Dios nejw_{uaj}napijiwliajwa.

11 Samata, Dios palala w_{ut}, jum-aechon: 'Japi pasaxil xan chaemtaxxotse damlathulaliajwa' –aech Dios nejw_{uaj}napijiwliajwa" –aech japox Espíritu Santo.

12 Takoew, inajut chiekal natataefulde! Nejchaxoelam w_{ut} Diosliajwa, inabej nejchaxoele': "Xan kofsaxaelen Dios naexasitxpo, Dios chiekal ajil xot" –nabej aeche', nejchaxoelam w_{ut}! Diachw_{uaj}nakolax Diosjila-el. Japon duk.

13 Xamal ampathatat laelpam w_{ut}fu_k, ipomatkoicha nakaewa nanaew_{uaj}ande Dios pejjamechan Dios kaes xanaboejalijwam! iJa-amde, kaen xamalxot Satanás naekichachajbasamatas babijax isasamatapon! iJa-amde kaen xamalxot naexasislasamata Dios, aew jiw xamal naew_{uaj}an w_{ut}!

14 Xatis chiekal naexaxisaxaes Jesús pejw_{uaj}an. Me-ama akasestat chiekal naexasisfulas w_{ut}, jachisfulaxaes. Laelpas w_{ut} ampathatat, kofaxisal naexasichpo Jesús pejw_{uaj}an. Jatis w_{ut}, xatis duilaxaes Cristo tato'alxotse.

15 Dios pejjamechan, chajia lelspx, jum-aech w_{ut}, jum-aechox xamal naexasislasamatam: "Amw_{ut}tjel, xamal naewetam w_{ut} Dios jum-aechpo, inabej naexasisle' chiekal

naexasisliajwam! Me-ama nejw_uajnapijiw pajilaxtat naexasis-el, i_xamallax nabej ja-aechel!" —aech Dios pejjamechan, chajia lels_{pox}.

¹⁶ Xamal chiekal matabijam, Moisés bu'fol w_ut, israelitas nakola w_ut Egipto t_uaj_nxotdin. Japibej Dios naexasis-el, jumtaen w_uti, Dios pajut chiekal jum-aech w_ut.

¹⁷ Xamal chiekal matabijambej, israelitas babijaxan is w_ut Diosliajwa, cuarenta waechan pajilaxtat w_uti, Dios palala. Samata, japi t_up pajilaxtat.

¹⁸ Japi naexasis-el w_ut Dios jumtis_{pox}, japi leyaxil Dios chaemt_{xotse} jiw damlath_ulaliajwa.

¹⁹ Xatis matabijas, wajw_uajnapijiw le-el damlath_ulax_{xotse}, naexasis-el xoti Dios jum-aech_{pox}.

4

¹ Xatis Dios nakw_uaj_{nawesful} damlath_ulax_{xotse}, me-ama Dios nakjum_udt. Samata, chiekal naexasis_{fulaxaes} Jesús pejw_uajan. Nakaewa nakajachawaes_{fulaxaes} chiekal naexasis_{fulaliajwas} Jesús pejw_uajan, asamatkoi kaeyaxtat damlath_ulaliajwas damlath_ulax_{xotse}.

² Xatisbej jumtaens chimiaw_uajan damlath_ulaliajwas, me-ama wajw_uaj_napijiw majt jumtaen. Wajw_uaj_napijiw_{liajwa} japaw_uajan chiekal wepachaema-esal, naexasis-el xoti.

³ Pe naexasichpis Jesús pejw_uajan, damlath_ulaxaes Dios nakjum_udt_{xotse}. Jesús

pejw_uajan naexasis-eli jaxotse damlath_ulaxil. Dios japox jum-aech, palala w_ut:

“Japi leyaxil xan chaemtaxxotse damlath_ulaliajwa” —aech Dios.

Dios toet w_ut that isax, thatbaxobej, jaw_ut toetbejpon isax wajw_uajnapijiw damlath_ulaxaelxotse.

⁴ Dios pejjamechan, chajia lelsprox, jum-aech w_ut, jum-aechbejprox Dios isprox, séptimomatkoï w_ut:

“Séptimomatkoï w_ut, kaes Dios is-el. Jaw_ut damlath_ulon” —aechox.

⁵ Dios pejjamechan, chajia lelsprox, jum-aech w_ut, jum-aechbejprox Dios jum-aechprox asew jiw naexasisaxilprox Jesús pejw_uajan:

“Japi jiw leyaxil damlath_ulaliajwa xan chaemtaxxotse” —aech Dios jum-aechprox.

⁶ Matxoelajumtaenpi chimiaw_uajan naexasis-el xoti, japi leyaxil damlath_ulaxxotse. Samata, xabich jiw we'pf_uk leliajwa jaxotse.

⁷ Asew jiw naexasis-el xot chimiaw_uajan, Dios jumdut asamatkoï asew jiw leyaxaelprox damlath_ulaxxotse. Chajia Dios to'a rey David jumchiliajwa ampamatkoïyan asew jiw leyaxaelprox damlath_ulaxxotse. Rey David jum-aech japoxliajwa:

“Xamal jumtaenam w_ut Dios jum-aechprox, jnabej naexasisle' Dios naexasisliawam!” —aech rey David.

⁸ Josué bu'pat w_ut israelitas Canaán tuajnu_uxot, japatuajnu_u Dios xapae-el pomatkoïcha israelitas damlath_ulaliajwa. Japatuajnu_u Dios xapaei w_ut pomatkoïcha israelitas damlath_ulaliajwa, ja-aech w_ut, Dios jumdusaxil asamatkoï pejjiw israelitas damlath_ulaxxotse leliajwa.

⁹ Samata, matabijas, asamatkoi Dios tapaeyaxael pejjiw leliajwa damlathulaxxotse. Jatis wuti, Dios pejjiw damlathulaxael jaxotse. Me-ama Dios damlathul séptimomatkoï wut, jachiyaxaelbej Dios pejjiwpi.

¹⁰ Japi leyaxael damlathulaxxotse damlathulaliajwa. Me-ama Dios damlathul, isax toet wut, jachiyaxaelbej japi jiw.

¹¹ ¡Ma xamal ixajupamdo' puexa isliajwam, do japoxtat isde leliajwam damlathulaxxotse! Chajiakolaxtat wajwujnapijiw Dios naexasis-el japi leliajwa damlathulaxxotse. Samata, puexa xatis, me-ama japi, jachiyaxisal.

¹² Dios pejjamechan xabich mamnik. Me-ama espada, nataelapabua'powa, xua'la wut xabich funiachde, ja-aechbej Dios pejjamechan. Dios pejjamechan xajup leliajwa xabich funiach jiw pejmatpuatan poxade, japi pajut chiekal matabijaliajwa, ma-aech pejnejachaxoelaxan, pachaem wut, o, chaemil wut.

¹³ Puexa Dios ispoخان, japoxan namoechaxil Dios pejwujnalel, Dios puexa chiekal taen xot japoxan. Asamatkoi xatis kaenanula Dios chapaeyaxaes, ma-aech xot isas kaenanula isaspoخان.

Amxot jum-aechpox Jesús sacerdotekolanpon, Dios kawujnalijwapon puexa jiwliajwa

¹⁴ Jesús, Dios paxulan, athu poxasepon wajsacerdotekolnaliajwa. Japon Dios kawujnaful xatisliajwa, Dios xatis nakkajachawaesliajwa. Samata, ¡Dios chiekal naexasisaxaes!

15 Jesús ampathatat wut, Satanás xapaejaspon babijax isliajwa. Pe nakiowa, Jesús is-el babijax. Samata, Jesús chiekal matabijt, ma-aech Satanás nakxapaeja wut babijax isliajwas.

16 Samata, Satanás nakxapaeja wut, xatis kamta Dios kawuajnaes nakkajachawaesliajwa. Jatis wut, Dios nakkajachawaesaxael, nakbeltaen xoton, naknejxasink xotbejpon.

5

1 Puexa sacerdotesxot, kaen sacerdote makafich Dios, japon puexa sacerdotespaklokolnaliajwa. Do jawux, japon puexa sacerdotespaklokolnaxael, Dios kawuajnafalaliajwa puexa jiwliajwa. Choef xua'atbejpon Dios beltaeliajwa puexa jiw babijaxan ispoxanliajwa.

2 Ampathatat tampoela-el sacerdotes isliajwa babijaxan, Satanás xapaejas wut, asbuan jumch jiwkal xoti. Samata, puexa sacerdotespaklokolan xajup jiw beltaeliajwa, jiw is wut babijaxan matabijs-elaxtat.

3 Puexa sacerdotespaklokolan, choef xua'asliajwa wut, kaen choefan matxoela xua'lapon, pajut babijaxan ispoxanliajwa Dios beltaeliajwas. Japox kitoet wut, sacerdotespaklokolan pejme asew choef xua'aton asew jiw babijaxan ispoxanliajwa japibej Dios beltaeliajwas.

4 Sacerdotes pajut namakafisaxil puexa sacerdotespaklonkolnaliajwa. Sacerdote Dios makafich wut, ja-aech wutlax, japon puexa sacerdotespaklokolnaxael. Me-ama chajiakolaxtat wajwuajnapijin Aarón

Dios makafich sacerdotespaklokolnaliajwa, jachiyaxael japon sacerdote.

⁵ Cristoliajwa japox ja-aechbej. Japon pajut namakafis-el sacerdotekolnaliajwa. Dios makafichpon. Dios jamtisbejpon:

“Xam taxɯɯnam. ¡Puexa jiw nej matabijs di-achwɯajnakolax xam taxɯɯnamponam!” — tison Dios.

⁶ Dios pejjamechan, chajia lelsprox, jam-aech wɯt, jam-aechbejprox Dios jam-aechprox Cristoliajwa:

“Xam pomatkoicha sacerdotnaxaelam. Me-ama Melquisedec pomatkoicha sacerdote, xamlap-is jachiyaxaelam” —aech Dios jam-aechprox Cristoliajwa.

⁷ Jesucristo ampathatat wɯt, pin-iaveces pin-jametat Dios kawɯajanpon. Dios kawɯajan wɯt, xabich nejxaejwas wɯt, itminpon. Jasoxtat Jesucristo Dios kawɯajan Dios bu'welijwas, matabijt wɯt padaelmajiw boesaxaesprox. Pe jawɯt, Jesucristo nakiowa nejchaxoel: “Xan isaxaelen taj-ax Dios nejxasinkprox” —aechon, nejchaxoel wɯt. Samata, Dios kajachawaechpon isliajwa Dios nejxasinkprox.

⁸ Jesucristo, Dios paxɯlan, xabich pachaempon. Japon nejchaxoel: “Xan nabijasaxaelen. Pe nakiowa, Dios chiekal naexaxisaxaelen” —aechon, nejchaxoel wɯt. Samata, naexasitpon pax Dios.

⁹ Cristo chiekal naexasit xot pax Dios, japon tɯp puexa jiw bu'wɯajanjilaliajwa Diosliajwa. Samata, puexa jiw, naexasiti Jesús pejwɯajan, japon bu'weyaxael japi jiw pomatkoicha duilaliajwapi Diosxotse.

¹⁰ Samata, Dios makafit Jesús sacerdotekolnaliajwa, me-ama Melquisedec pomatkoicha sacerdote, jachiliajwa Jesús.

Jesús pejw_uajan naexasiti naew_uajnaspo_x ko-fasamata naexasitpoxliajwa

¹¹ Xan xabich lelaliajwan Jesucristoliajwa, sacerdotekolanpoxliajwa. Pe pachaema-el puexa chiekal chanaekab_uanaliajwan, xamal makach matabija-emil xot.

¹² Xamal piach Jesús pejw_uajan naexasitam. Pelis, ama xamal jiw chanaekab_uaniwaxaelam. Pe nakiowa, xamal xabich we'pamfuk asew jiw chiekal chanaekab_uanaliajwam Dios jum-aechpoxan, matabija-emil xot kaes tampoelpoxan chiekal jum-matabijaliajwam. Samata, xamal, me-ama yamxi naxaeyaxan xaeyaxilpi, ja-am xamal. Me-ama yamxi mitan afpi, ja-ambej xamal.

¹³ Jiw wewe'paspi naew_uajnalijwas tampapoxan, Dios pejjamechan, japi pejnechaxoelaxan, me-ama yamxi, mitan afpi, ja-aechi. Japi matabija-el isliajwa Dios nejxasinkpoxan.

¹⁴ Jiw chiekal matabijapi Dios pejjamechan, japi matabija isliajwa pachaempoxan. Matabijabejpi is-elaliajwa pachaema-elpoxan. Samata, japi jiw Diosliajwa, me-ama pakdiachow xaeyaxaelpi naxaeyaxan, ja-aech japi jiw.

6

¹ Samata, Dios pejjamechan kaes matabijaxaes chiekal naexasisliajwas Dios. Jatis wut,

diachw_uajnakolax Diosliajwa, xatis, me-ama pakdiachwas w_ut, jachiyaxaes. Jatis w_utbej, asey jiw nakwewe'paxil kaeyax naknaew_uajnalialjwa majt naknaew_uajanpoxan, akasestat t_uaduws w_ut naexasisliajwas Jesús pejw_uajan. Jatis w_ut, japoxanliajwa pomatkoicha naknaew_uajanaxil. Asaxan nakwewe'paxil kaes naknaew_uajnalialjwa, chiekal matabijas xotlis japoxan. Samata, nakwewe'paxilbej nakfiasliajwa babijaxan is-elaliajwas Dios nakkastika-elaliajwa. Nakwewe'paxilbej naktato'laliajwa Dios chiekal naexasisliajwas.

² Nakwewe'paxilbej kaes naknaew_uajnalialjwa bautisapoxliajwa. Nakwewe'paxilbej kaes naknaew_uajnalialjwa ancianos ki-owapoxliajwa naexasiti Jesús pejw_uajan, japi pejta'antat, Dios kaw_uajnalialjwa w_ut. Nakwewe'paxilbej kaes naknaew_uajnalialjwa t_upi mat-eyaxaespoxiajwa pejme duilaliajwa. Nakwewe'paxilbej kaes naknaew_uajnalialjwa pejb_u'w_uajanpi pomatkoicha kastikaxaespoxiajwa.

³ Dios naktapaei w_ut, ¡kaes chiekal naexasisax-aes Jesús pejw_uajan!

⁴ Asey jiw matabija diachw_uajnakolaxpox. Samata, naexasiti Jesús pejw_uajan Dios b_u'welialjwas. Japi jiw pejmatp_uatanxotbej Espíritu Santo.

⁵ Japi matabijabej Dios pejjamechan xabich pachaempox. Matabijabejpi Jesús asamatkoi am-pathatat tato'laxaelpox.

⁶ Pe kofa w_uti naexasitpox Jesús pejw_uajan, diachw_uajnakolax japi jiw chiekal napelsaxael Diosliajwa. Ja-aech w_ut, japi jiw pijaxtat puexa

asew jiw bu'wɥajanpaeyaxaeli Jesúsliajwa. Kofapi Jesús pejwɥajan naexasitpox, japi jiwlap, me-ama cruztat pejme kimatamatali Jesús, jachiyaxaeli.

⁷ Dios pijaxtat iam thilan ampathatat. Samata, mathaspi chiekal nakweti't.

⁸ Iam thilan wɥt, toeixkal naboela wɥt, pachaema-el. Toeixkal wɥt, asamatkoi toejafaxaes. Jachiyaxaes jiw, Jesús pejwɥajan naexasitpox kofapi. Asamatkoi Dios kastikaxaes infernoxotdik.

Xatis chiekal naexasisaxaes pox Jesús pejwɥajan, Dios nakkajachawaet xot

⁹ Takoew, xamal nejxasinkaxpim, xan chiekal matabijtax, asew jiw kofa naexasitpox Jesús pejwɥajan. Xamal kofa-emil. Xan matabijtaxbej chiekal duilampox. Chiekal naexasitam xot Jesús pejwɥajan, Dios xamal bu'wia.

¹⁰ Dios is pachaempoxan. Japon nejkiowaxil xamal isampoxan japonliajwa. Nejkiowaxilbejpon asew jiw, naexasiti Jesús pejwɥajan, kajachawaetampox, japi jiw xamal nejxasinkam xot. ¡Xamal amwɥtjelbej japi jiw nakiowa kajachawaesfulde!

¹¹ Xan nejxasinkax xamal kaenanɥla nakaewa nakajachawaesliajwam pomatkoicha. Ja-am wɥt, Dios xamal kaenanɥla chaxduiyaxael pachaempox. Diachwɥajnaxolax xamal chaxduiyaxaelon wɥajnawetampox.

¹² ¡Xamal nabej nejwesle' naexasisliajwam Dios! ¡Pomatkoicha naexasisfulde Dios! Me-ama asew jiw pomatkoicha chiekal naexasisfuli Dios, ¡xamalbej ja-amsfulde! Japi jiw kofa-el naexasitpox Dios.

japoxlap xamal jachisfulaxaelambej! Dios chajia jum-aechpox xabich pachaem. Japi jiw chaxduiyaxaes pachaempox, Dios chajia jum-aechpox chaxduiliajwa.

¹³ Chajiakolaxtat Dios jum-aech Abrahamliajwa chiekal naexasisliajwa: “Xan Diosnan xot, tajut jum-anpox xamliajwa, diachwujnakolax” —aech Dios Abrahamliajwa, japon chiekal matabijsliajwa. Dios japox jum-aech, kaes pachaempon ajil xot, me-ama Dios.

¹⁴ Dios chajia jum-aech wut, jum-aechon Abrahamliajwa: “Diachwujnakolax xam kajachawaesaxaelen. Samata, namojiw xabichaxael” —aech Dios Abrahamliajwa.

¹⁵ Do jawux, Abraham wujnawesful piach Dios jumduchpox. Baxael, japox ja-aechlisox Abrahamliajwa.

¹⁶ Jiw jumduw wut asew jiwliajwa, jum-aechi ampox: “Xamal jumdutxpo, Dios chiekal japox najumtaen” —aechi asew jiwliajwa, chiekal naexasisliajwas jumduwpox. Kaes pejme asax jumchiyaxili asew jiw chiekal naexasisliajwas.

¹⁷ Dios jumdut wut jiwliajwa, nejxasikon jiw chiekal naexasisliajwas japon jum-aechpox. Samata, jumdut wut, jum-aechbejpon: “Xan Diosnan xot, jumdutxpo diachwujnakolax japox xamalliajwa” —aech Dios, jiw chiekal pajut matabijaliajwa japon jum-aechpox diachwujnakolax.

¹⁸ Dios kichachajba-el. Samata, puexa japon jum-aechpox diachwujnakolax. Dios nakjum-aech nakbu'weyaxaelpox. Samata, xatis nejchaxoels wut, nejchaxoelaxisal: “Xatis Dios

nakb_u'weyaxil” –chiyaxisal, nejchaxoels w_{ut}. Diachw_uajnakolax Dios nakb_u'weyaxael.

19-20 Jesús t_{up} w_{ut}, jaw_{ut} Dios poxasepon. Jaxotse Jesús Dios kaw_uajnaful puexa xatisliajwa. Jesús sacerdotekolan. Me-ama Melquisedec pomatkoicha sacerdote, ja-aechbej amw_{ut}tjel Jesús Diosxotse. Samata, xatis chiekal Jesús xanaboejas. Asamatkoi japon xatis nakb_uflaeyaxael duilaliajwas Diosxotse.

7

Amxot j_um-aechpox Jesús sacerdotekolanpox, me-ama Melquisedec, ja-aechpon

1 Melquisedec chajiakolaxtat duk w_{ut} Salem paklowaxxot, japon rey japapaklowaxpijiwliajwa. Pe japonbej sacerdote, Dios, ath_uxotsepon, pejsacerdote. Japamatkoiyan Abraham, pamak s_uapich, malechapi asapaklowaxanpijiw, reyes. Puexa chiekal bapon. Jaw_{ut} Abraham, pamak s_uapich, noti padaelmajiw pejew. Abraham, pamak s_uapich, nawen w_{ut}, Melquisedec xab_u'k_ult n_uamfata. Do jaw_{ut}, Melquisedec Dios kaw_uajan Abraham kajachawaesfulaliajwas Dios.

2 Do jaw_{ut}, Abraham tameja kaeyaxtat padaelmajiw pejew. Jaw_{ut}bej Abraham diajk diezm_uaxt, naj_uram_uaxtje. Jaw_{ut} kaem_uaxt malech chaxduton Melquisedec. Abraham chaxdutupox Melquisedec, japox paw_ul diezmo. Diajkpoxan wenamanson, nuevem_uaxt, Abraham pamakliajwa. “Melquisedec” –aech w_{ut} hebreojametata, japox j_umchiliajwa: “Rey, xabich pachaempon” –chiliajwa Melquisedec pejw_ul.

Japawulbej jumchiliajwa: “Rey, wuajan chaemsan jiw chiekal duilaliajwa” —chiliajwa Melquisedec pejwul. Japonbej rey Salem paklowaxpijiwliajwa.

³ Dios pejjamechan, chajia lelsprox, jumchiel Melquisedec paxliajwa, japon penliajwabej, pejwuajnapijiwliajwabej. Dios pejjamechan jumchielbej Melquisedec nalaeltproxliajwa, tæpproxliajwabej. Samata, Melquisedec, pomatkoicha sacerdotepon. Me-ama Dios paxulan pomatkoicha sacerdote, ja-aechbej Melquisedec.

⁴ ¡Nejchaxoelde chiekal! Melquisedec kaes pejme pachaem. Japon pachaempox, me-ama Abraham, jachi-el. Samata, Abraham chaxdut diezmo Melquisedec itpaeliajwa sitaeyax.

⁵ Moisés chajia lelpox to'a sacerdotes, japi Leví pamojiwpi, mat-omwuljoeliajwa nakae-israelitas. Samata, israelitas chaxduifal kaesæapich kanapi, mæthapibej. Japox pawul diezmo. Jasox to'as sacerdotes mat-omwuljoeliajwapi nakae-israelitas, Abraham pamojiw.

⁶ Melquisedec Leví pamona-el. Kaes pejme xabich pachaempon. Japon, me-ama Abraham, jachi-elbejpon. Samata, Abraham diezmo chaxdut Melquisedec itpaeliajwa sitaeyax. Do jawæt, Melquisedec Dios kawuajan Abrahamliajwa Abraham Dios kajachawaesfalaliajwas.

⁷ Xatis chiekal matabijas, Dios kawuajanpon asew jiwliajwa japi Dios kajachawaesliajwas, japon kaes pachaem. Me-ama Dios kajachawaesaxaespi, jachi-elon.

⁸ Sacerdotes kinot, jiw chaxduws wæt diezmo.

Japi sacerdotes tɔpafɔl, jiwkal xot. Pe Dios pejjamechan jɔm-aech wɔt Melquisedeciajwa, ja-aech wɔt, me-ama Melquisedec nakiowa laeja wɔt, ja-aechon.

⁹⁻¹⁰ Chajiakolaxtat, Abraham malech chaxdut wɔt diezmo Melquisedec, japamatkoi Leví chiekal jilfɔk, nalaels-el xoton. Abraham xijilfɔk-is. Pamojiwbej jil. Pe baxael, Leví pamojiw, japilap amwɔtjel sacerdotes nadofafɔl. Dolis Abraham chaxdut wɔt diezmo Melquisedec, jawɔtbej puexa Leví pamojiw, me-ama chaxduti japadiezmo Melquisedec.

¹¹ Ampamatkoiyantat Leví pamojiw, sacerdotes. Japi naewɔajnafɔl judíos naexasisliajwa Moisés chajia lelpox. Me-ama chajiakolaxtat sacerdote Aarón naewɔajan, ja-aechbej japi jiw amwɔtjel. Pe judíos chiekal naexasis-el Moisés chajia lelpox, japi bu'wɔajanjilaliajwa Diosliajwa. Samata, japi wewe'pas asan sacerdote, me-ama Aarón, jasona-el. Japi wewe'pas asan sacerdote, japon pomatkoichaxaelpon, me-ama Melquisedec, jason.

¹² Samata, Jesús makafich wɔt sacerdotekolnaliajwa, jawɔt judíos kaes wewe'pa-esal Leví pamojiw, japi sacerdotnaliajwa.

¹³ Dios pejjamechan chajia lelsxot jɔm-aech wajpaklon Jesúsliajwa. Jesús Leví pamona-el. Japon asamɔtpijin. Majt chiekal ajil sacerdote japamɔtpijiwxot.

¹⁴ Puexa jiw chiekal matabija, wajpaklon nalaelt wɔt ampathatat, japon nalaelt Judá pamowtat. Moisés chajia lelpox jɔmchi-el Judá

pamojiwxot sacerdotnaliajwa.

¹⁵ Samata, xatis chiekal matabijas, wajpaklon nalaelt sacerdotnaliajwa. Japon, me-ama asew sacerdotes wut, jachi-elon. Japonlap pomatkoicha sacerdotnaxael. Me-ama Melquisedec pomatkoicha sacerdote, japonbej jachiyaxael.

¹⁶ Leví pamojiw sacerdotes nadofa, to'as xoti Moisés chajia lelpox. Baxael, wajpaklon Jesús sacerdote wut, japon to'a-esal Moisés chajia lelpox sacerdote nadofaliajwa. Japonlax pomatkoicha dukaxael. Samata, japon sacerdotekolan nadofa.

¹⁷ Dios jum-aech Jesús jumtaeliajwa:
 “Xam pomatkoicha sacerdotnaxaelam. Me-ama majt chajiakolaxtat Melquisedec pomatkoicha sacerdote, xamlap, jachiyaxaelam” —aech Dios Jesúsliajwa.

¹⁸⁻¹⁹ Judíos chiekal naexaxis-el Moisés chajia lelpox, bɥ'wɥajanjilaliajwapi Dios pejwɥajnalel. Samata, Moisés chajia lelpox, amwɥtjel japox jiw wewe'pa-esal naexaxisliajwa. Amwɥtjel asawɥajan xatis naexaxisliajwas. Japawɥajan kaes pejme pachaem. Jesucristo tɥp xatis bɥ'wɥajanjilaliajwas Diosliajwa. Samata, japon pijaxtat, Diosliajwa xatis bɥ'wɥajanjisal. Xatis Jesucristo xanaboejaxaesbej Diosxotaliajwas.

²⁰ Dios pajut jumdut Jesucristo pomatkoicha sacerdotnaxaelpox. Dios majt japox jumtus-el asew sacerdotesliajwa.

²¹ Japox Dios pejjamechan, chajia lelspx, jum-aech wut, jum-aechox Dios jum-aechpox Jesúsliajwa:

“Xan Diosnan xot, diachwɥajnakolax chiekal jum-an. Asax nejchaxoelaxinil. Xam sacerdot-

naxaelam pomatkoichaliajwa” – aech Dios, j̄m̄d̄ut w̄ut Jesúsliajwa.

²² Dios jasox j̄m̄-aech xot Jesúsliajwa, chiekal matabijas, Jesús ispox xatisliajwa kaes xabich pachaem. Samata, me-ama Moisés chajia lelpox, jachi-el Jesús ispox xatisliajwa.

²³ Chajiakolaxtat sacerdotē t̄p̄ w̄ut, asan makafich japon sacerdotnaliajwa. Japox ja-aechful judíosxot. Samata, xabich sacerdotes.

²⁴ Pelax Jesús t̄p̄axil. Samata, japon pomatkoicha sacerdotekolnaxael. Jesús sacerdotē w̄ut, asan naliaksaxil japon aton sacerdotekolnaliajwa.

²⁵ Samata, Jesús xaj̄p̄ pomatkoicha jiw b̄w̄eliajwa, pasliajwapi Diosxotse. Jesús duk Diosxotse. Japon pomatkoicha Dios kaw̄ajan japon pejw̄ajan naexasitiliajwa.

²⁶ Jesús, sacerdotekolan, kaes pejme pachaempon. Jasonlap majt xatis nakwewe'p. Japon pomatkoicha is pachaempoxan. Babijax is-elon. Dios b̄floeisbejpon ath̄ poxase.

²⁷ Jesús, me-ama puexa sacerdotespaklokolan, jachi-el. Japi choef x̄a'at ofrenda isliajwa Diosliajwa. Japox isliajwa w̄ut, majt kaen choefan x̄a'la pajut pejb̄w̄ajanpoxliajwa. Do jaw̄x, asew choef x̄a'at asew jiw pejb̄w̄ajanpoxanliajwa. Jesús jasox is-el. Japon pajut natapaei asajiw kimatamatlaliajwas cruztat. Jasoxtat japon boesas w̄ut, japon pajut, me-ama ofrenda Diosliajwa. Jesús boesas w̄ut asajiw, kamta moton puexa jiw babijaxan ispoxanliajwa. Japox pomatkoichaliajwa.

²⁸ Moisés chajia lelpox j̄m̄-aech kaen makafis-

liajwa puexa sacerdotespaklokolnaliajwa. Pe nakiowa, japon xajupa-el isliajwa puexa Dios nejxasinkpoxan. Do baxael, pejme Dios jumdut paxulan sacerdotekolnaliajwa. Japon xabich pachaem pomatkoichaliajwa. Japonlax xajup puexa isliajwa, Dios nejxasinkpoxan.

8

Amxot jum-aechpox Jesucristo, wajsacerdotekolanpon, japon pomatkoicha Dios kawujajan xatisliajwa

¹ Jesús, wajsacerdotekolan, japon Dios kawujajan xatisliajwa. Amwutjel japon ek Dios poklalel. Japox kaes pejme pachaem xamal chiekal matabijaliajwam.

² Jesús nabist Diosxotse tabernáculobatat sacerdotebichax. Dios pajut japaba is. Japaba jiw is-el.

³ Puexa sacerdotespaklokolan makafich choef xua'asliajwa, ofrenda isliajwa Diosliajwa. Jesucristo wajsacerdotekolnaliajwa wut, pajut nata-paeipon asajiw boesaliajwas. Ja-aech wut, Jesucristo pajut, me-ama ofrenda wut, ja-aechon Diosliajwa.

⁴ Sacerdotes ampathatat choef xua't ofrenda isliajwa Diosliajwa, me-ama Moisés chajia lelpox jum-aech. Jesús amwutjel ampathatata-elon. Amwutjel Jesús Diosxotse. Jesús ampamatkoitat ampathatataxael wut, ja-aech wut, choef xua'asaxilon. Me-ama asew sacerdotese choef xua't wut, jachiyaxilon.

⁵ Sacerdotes nabistpox ampathatat, japox, me-ama Jesucristo nabistpox Diosxotse, ja-aechox. Moisés Dios pejtabernáculoba isliajwa

wut, Dios jum-aech: “iNabey nejkiowe' puexa itpaeixpoxan pinam_uaxxot! Tajtabernaculoba isam wut, isde, me-ama xan chajia chiekal xam chanaekab_uanax!” —aech Dios Moisésliajwa.

⁶ Pe Jesucristo, wajsacerdotekolanpon, japon nabist Dios to'aspox Diosxotse xatisliajwa. Japox kaes pejme pachaem. Me-ama sacerdotes is-pox ampthatat jiwliajwa, jachi-el japon nabist-pox. Jesucristo pomatkoicha Dios kaw_uajan xatisliajwa. Japon t_up wut, xatis babijaxan isapoxan chiekal nakwetoep Diosliajwa. Nakka-jachawaetbejpon Dios nakchaxduiliajwa chajia nakjumdutpox duilaliajwas pomatkoicha Diosxotse. Japoxanlap xatisliajwa xabich kaes pejme pachaem. Me-ama Moisés chajia lelpo_x, jachi-el.

⁷ Moisés chajia lelpo_x chiekal pachaemaxael wut, japox jiw chiekal naexasit wutbej pachaemaliajwapi Diosliajwa, ja-aech wut, jiw wewe'paxisal asaw_uajan naexasisliajwa chiekal pachaemaliajwapi Diosliajwa.

⁸ Pe nakiowa, jiw chiekal naexasis-el puexa Moisés chajia lelpo_x. Samata, Dios jum-aech:

“Asamatkoi xan to'axaelen pajelw_uajan naexasisliajwa Israel t_uaj_nrijiw, Judá t_uaj_nrijiwbej, pomatkoicha duilaliajwapi xanxotse.

⁹ Pajelw_uajan naj_upaxil majt jum-anpox rejw_uaj_nrijiwliajwa. Japi Egipto t_uaj_nxot wut, xan japi jukx. Japibej xan nanaexasis-el, chajia jum-an wut. Samata, japi jiw koftax” —aech Dios.

¹⁰ Dios kaes jum-aech: “Xan jum-an ampox Israel t_uaj_nrijiwliajwa pajelw_uajanliajwa.

Asamatkoi tajjamechan kaenanala jiw matabijaxael. Samata, nejxasinkaxael naexasisliajwa tajjamechan. Xan japi pejDiosnaxaelen. Japibej tajjiwaxael.

¹¹ Japamatkoiyan puexa paklochow, paklochowaelpibej, xan chiekal namatabijaxael. Samata, chinax kaen aton jamchiyaxil xanliajwa asew jiwxot.

¹² Xan japi jiw beltaeyaxaelen. Kaes nejchaxoelaxinil japi majt babijaxan ispoxan. Nejkio waxaelen japoxan” – aech Dios.

¹³ Dios jam-aech pajelwajajanliajwa, matxoelapejwajajan chiekal pachaema-el xot. Matxoelapejwajajan kaematkoiyan samapich we'p toepaliajwa.

9

Amxot jam-aechpox Dios pejtabernaculobaliajwa, asatabernaculobaliajwabej, Diosxotsepox

¹ Moisés chajia lelpox tato'las israelitas isaxaelpoxan, tabernaculobatat Dios kawajajan wuti.

² Dios pejtabernaculoba, ampathatpijax, japox kolepiezax. Matxoelapiezax pawal Lugar Santo. Jaxot chanuk candelabro itliakaliajwa japapiezaxxot. Jaxotbej kaemesa nuk. Japamesamatwajajat pomatkoicha sacerdotes pan owa Diosliajwa.

³ Jaxot asapiezaxliajwa duch pinabu'. Japapiezax pawal Lugar Santísimo.

⁴ Japapiezaxtat altar nuk, oro matxafafaspox, japa-altarmatwajajat bowaliajwa xabejasapan,

pawulpi incienso. Jaxotbej baúl ek, oro matx-afafaspox patulel, fuletlananbej. Japabaúltutat ek baext, orotat isaspot. Japabaextutat cha-ek maná. Aarón pejkilachalanaeyabej japabaúltutat ok. Japox kilachalanaeya chajia uafnakola. Japabaúltutat oelbej kole-ia't, papa'a. Jap-ia' lels diez tato'laxan, Dios tato'alpoxan jiw naexasisliajwa.

⁵ Japabaúlfafamatwujtat kolenje, ángeles-ael isaspi, nows. Ba'dolanuili. Japa-ángeles-aelanliajwa israelitas wultaen wut, japi pajut chiekal matabijaliajwa Dios japatabernáculobatapox. Pe amwutjel, kaes lelaxinil japoxan chanaekabuanaliajwan.

⁶ Ja-aech majt Dios pejtabernáculoba. Sacerdotes pomatkoicha low matxoelapiezaxxot isliajwa pej-bichaxan.

⁷ Pe asapiezaxxot, Lugar Santísimoxot, tapaeis puexa sacerdotespaklokolan tamach leliajwa. Japon low japapiezaxxot, kaewaechful wut. Low wut, chaxlowpon choefjal matsasalshajwa baúlmatwuj. Jasox ispon Dios beltaeliajwas pajut babijaxan ispoxanliajwa. Jawux pejme jasox ispon puexa asew jiw babijaxan ispoxanliajwa, japi pajut chiekal matabija-el xot, is wut babijaxan.

⁸ Israelitas chiekal matabija kaen, puexa sacerdotespaklokolan, leyaxaelpox Lugar Santísimoxot. Samata, Espíritu Santo nakkajachawaet matabijaliajwas xatis jaxot wajut leyaxisalpox Dios kawujnalshajwas, xatis babijaxan isaspoxan nakbeltaeliajwapon. Puexa sacerdotespaklokolan, japon kaen, Dios

kawuajna xael xatisliajwa.

⁹ Puexa sacerdotes ispoxan, japoxan ampamatkoiyan xatisbej chiekal matabijaliajwas. Sacerdotes choef xua'at wut ofrenda isliajwa Diosliajwa, puexa jiw babijaxan ispoxanliajwa Dios beltaeliajwas, japoxan is wuti, nakiowa kajachawaes-esal kaes chiekal pachaemaliajwapi Diosliajwa.

¹⁰ Moisés chajia lelpox israelitas naexasit wut, pe japi nakiowa, chiekal pachaema-el Diosliajwa. Japawuajantat japi tato'las pajut chiekal natataeflaliajwa, naxaeyaxan xaeliajwa wut, feliajwa wutbej. Japibej naexasit wut japox, pin-iaveces kikakiati chiekal pachaemaliajwa Diosliajwa. Jaso x majt chajia israelitas isful, Jesucristo pas-el wutfuk ampathatat. Jesucristo pat wut, Moisés chajia lelpox toep, pajelwuajan tuadut wut.

¹¹ Cristo pask wut ampathat, japon wajsacerdotekolan nadofa. Samata, puexa chiekal pachaem xatisliajwa japon pijaxtat. Pe pejme kaxasepon pax Dios poxase. Cristo nabist Dios pejtabernáculobaxotse. Jaxotse kaes pejme pachaem. Me-ama ampathatat jiw isba, Dios pejtabernáculoba, jachi-el japaba.

¹² Cristo low wut Dios pejtabernáculobaxotse, Lugar Santísimoxot, chaxle-el chivojal, pakjalbej, mosliajwa xatis babijaxan isaspoxanliajwa. Pelax japon tup wut, me-ama pejjal xalow wut, ja-aechon. Tup wut, moton xatis babijaxan isaspoxanliajwa nakbu'welija x pomatkoichaliajwa.

¹³ Israelitas babijaxan is wut, tapae-esal Dios pejtabernáculoba leliajwa. Ja-aech wut, israelitas majt matsasaltas torjal, o, chivojal. Pakxulan, al-

tarmatw^uajtat bochpon, japathumba min taniel-tas, jalmint s^uapich. Do jaw^ut, israelitas mat-sasaltas japajalmint. Ja-aech w^ut, pachaem is-raelitas pejme leliajwa Dios pejtabernáculoba.

¹⁴ Cristo pejjal xabich kaes pejme ommaenk Diosliajwa. Me-ama choefjal, jachi-el. Cristo kajachawaech Espíritu Santo, japon pomatkoichapon. Samata, Cristo pajut natapaei asajiw boesaliajwas xatis babijaxan isaspoxan nakwemosliajwa. Me-ama choefan x^ua'las w^ut ofrenda isliajwa Diosliajwa, jakitis Cristo. Samata, Cristo t^up xot cruztat, Dios nakbeltaen xatis babijaxan isaspoxanliajwa. Babijaxan isas xot, xatis wajut chiekal napeltaslach Diosliajwa. Pe Cristo, babijax is-elpon, nakwemot xot, xatis xaj^ups Dios tanbichliajwas, japon Diosxotse dukpon.

¹⁵ Samata, Jesucristo t^up xot cruztat, Dios nakkajachawaet. Puexa xatis Dios nakmakanot pomatkoicha duilaliajwas Diosxotse, me-ama Dios chajia j^umdut. Cristo t^up xatis babijaxan isaspoxanliajwa b^u'w^uajanjilaliajwas Diosliajwa. Samata, Dios nakbeltaen.

¹⁶⁻¹⁷ Aton laeja w^utf^uk, lelon pelf^ut puexa pe-jewliajwa. Japapelf^utat paw^ulan lelon nosax-aelpi japon pejew japon pejw^ulela. Baxael, japon t^up w^ut, puexa japon pejjiwpi kaenan^ula chiekal matabijaxael, nosaxaelpi naet^upon pejew. Japon laeja w^utf^uk, pelf^ut, pajut lel^upox, pa-oma-elf^uk. Pe japon aton t^up w^ut, japox pelf^ut pa-omliso^ux. Samata, japon pejjiw chiekal diajkaxael, me-ama pelf^ut lels^upox j^um-aech, japi jiw kaenan^ula noslia-jwa pejewaxaelpi.

18 Ja-aechlap-is Moisés chajia lelpox israelitas naexasisliajwa. Choef хна'at wuti ofrenda isliajwa Diosliajwa, Moisés lelpox pa-om.

19 Moisés pajut chiekal chanaekabmana puexa israelitas naexasisliajwa Dios tato'alpoxan. Do jawut, fiton cha-aelnaedalach. Japox pawul hisopo. Jawux pasoeimnat, lanamnat, nae-oefxakoeyapon. Japox xatho'bala jalmint poxadik. Japajalmint tialas, torjal, chivojal, min srapichbej. Moisés japajalmint pajut lelpox matsasalton. Do jawut, puexa israelitas matsasaltbejpon.

20 Jawut jum-aechon puexa israelitasliajwa: “Xamal matsasaltax choefjalmint. Samata, naexasisaxaelam xan lelpxox. Ja-am wut, Dios isaxael jumdutpox xamalliajwa” —aech Moisés israelitasliajwa.

21 Jawutbej Moisés japajalmint matwujasalt Dios pejtabernáculoba. Matsasaltbejpon sacerdotes xanbistpoxan japabaxot.

22 Moisés chajia lelpox to'a puexa xanbistpoxan matsasalsliajwa choefjalmin, japoxan puexa chiekal pachaemliajwa Diosliajwa. Jatislap-is puexa israelitasliajwa. Choef хна'la-el wuti ofrenda isliajwa Diosliajwa, ja-aech wut, ajil Dios jiw beltaeliajwa babijaxan ispoxanliajwa.

Dios nakbeltaenpox xatis babijaxan isaspoxanliajwa, Jesús tɔp xot cruztat

23 Moisés chajia choefjalmin matwujasalt Dios pejtabernáculoba ampathatat. Matsasaltbejpon puexa sacerdotes xanbistpoxan japabatat. Japox ispi puexa jiw matabijaliajwa asamatkoi Cristo

tupaxaelpox ampathatpijiw bu'wujanjilaliajwa Diosliajwa. Cristo choefjaltat Diosxotse matwujasasals-el Dios pejtabernáculoba. Cristolax pajut natapaei asajiw boesaliajwas. Samata, Cristo tup wut cruztat, Dios beltaen ampathatpijiw babijaxan ispoxanliajwa.

²⁴ Cristo tup wut, mat-echpon pejme dukaliajwa. Do jawut, athu poxasepon nabichliajwa Dios pejtabernáculobaxotse. Jaxotse pax Dios pejwujajnael kawujajnaful xatisliajwa. Dios pejtabernáculoba ampathatpijax, japox, me-ama Dios pejtabernáculoba Diosxotsepox, jakabuan-aechox chiekal.

²⁵ Puexa sacerdotespaklokolan, kaewaechful wut, choefjal chaxlowpon tabernáculobatat, Lugar Santísimoxot, ofrenda isliajwa Diosliajwa. Pe Cristo kaewaechful tupafulaxil. Kaetupaxtat jiw bu'wiapon. Samata, Cristo pejme tupaxil jiw bu'wujanjilaliajwa Diosliajwa.

²⁶ Cristo tup kaeveces. Jachi-el wut, kaewaechful wut, Dios to'axael Cristo tupafulaliajwa jiw bu'wujanjilaliajwa Diosliajwa. Ampamatkoiyan, Cristo kaeveces ampathatat nalaelt boesaliajwas puexa jiw babijaxan ispoxanliajwa. Cristo boesasox pomatkoichaliajwa.

²⁷ Puexa jiw, ampathatpijiw, pejmatkoi wepach wut, tupaxael kaeveces. Do jawux, Dios jumchiyaxaesi kaenanala babijaxan ispoxanliajwa kastikaliajwas.

²⁸ Jasoxtatbej Cristo tup cruztat kaevecesliajwa. Pajut natapaeipon asajiw boesaliajwas, xabich jiw babijaxan ispoxanliajwa. Jawux pax Dios poxasepon. Asamatkoi pejme pasaxoekon.

Pask wut, pejme jiw boesaxisalpon tupaliajwa jiw babijaxan ispoxan ajilaliajwa. Japon pasaxoek jiw b'weliajwa, japi jiw w'ajjawetpi japon pejpasax.

10

¹ Moisés chajia lelpox pachaem israelitas naexasisliajwa. Japox amwutjel xatis matabijas. Pe kaes pejme pachaem Cristo ispox xatis naexasisliajwas. Xabich chajia w'ajjna, Jesús pas-el wutfuk, Moisés chajia lel wut, to'a sacerdotes isaxaelpoxan isliajwa. Samata, sacerdotes kaewaechful wut, choef x'at ofrenda isliajwa Diosliajwa, Dios beltaeliajwa jiw babijaxan ispoxanliajwa. Pe jiw nakiowa babijaxan isful Diosliajwa.

² Sacerdotes choef x'at ofrenda isliajwa Diosliajwa. Japox is wuti, jiw babijaxan ispoxan kaelel wejila-esal. Jiw babijaxan ispoxan kaelel wejilaxaes wut, japi jiw kaenanala chiekal nejchaxoelaxael: “Xan babijaxan isxpoxan naweajil Diosliajwa” —chiyaxaeli, nejchaxoel wut. Jaech wut, kaes choef xalalaeyaxili sacerdoteslel, japi sacerdotes choef x'asliajwa ofrenda isliajwa Diosliajwa.

³ Kaewaechful wut, sacerdotes choef x'at ofrenda isliajwa Diosliajwa jiw nejchaxoelaliajwa majt babijaxan ispoxanliajwa.

⁴ Sacerdotes x'at wut toros, chivosbej, japajal pijaxtat jiw babijaxan ispoxan kaelel wejila-esal Diosliajwa.

⁵ Samata, Cristo pasliajwa wut ampathatasik, jum-aechon pax Diosliajwa:

“Ax, xam chiekal nejchachaemla-emil, sacerdotes choef xua'at wut, xamliajwa ofrenda is wuti jiw babijaxan ispoxan beltaeliajwam. Samata, xan nato'axaelam nalaelsliajwan thatxotdik, me-ama yamxi nalaela wut, jachiliajwan. Do baxael, nato'axaelambej tupaliajwan puexa jiw babijaxan ispoxanliajwa, japi jiw bu'wujanjilaliajwa.

6 Sacerdotes choef xua'at bowaliajwa altarmatwujat ofrenda isliajwa xamliajwa, xam beltaeliajwam jiw babijaxan ispoxanliajwa. Pe xam chiekal nejchachaemla-emil japoxanliajwa.

7 Samata, xan amxotx isliajwan xam nejxasinkampox, me-ama nejjamechan, chajia lelspx, jum-aech wut, jum-aechox xanliajwa” –aech Cristo Diosxotse pax Diosliajwa.

8 Cristo japox jum-aech xot, matabijas Dios chiekal nejchachaemla-el, sacerdotes choef xua'at wut ofrenda isliajwa japonliajwa. Jasox jum-aech Moisés chajia lelpox sacerdotes isliajwa japox. Pe nakiowa, Dios chiekal nejchachaemla-el japoxliajwa.

9 Cristo pejme jum-aech pax Diosliajwa: “Xan amxotx isliajwan xam nejxasinkampox” –aechon. Samata, Cristo tuj ampathatat puexa jiw bu'wujanjilaliajwa Diosliajwa, Dios to'as xoton. Samata, jawut toep sacerdotes choef xua'atpox ofrenda isliajwa Diosliajwa.

10 Cristo is Dios nejxasinkpox. Samata, Cristo pajut natapaei asajiw boesaliajwas puexa jiw bu'wujanjilaliajwa Diosliajwa. Cristo tuj wut,

japox patupax kaevecesliajwa, pomatkoichaliajwabej.

¹¹ Sacerdotes pomatkoicha choef xua'at ofrenda isliajwa Diosliajwa. Sacerdotes japox is wut, Dios kaelel wepels-el jiw babijaxan ispoxan japi bu'wujanjilaliajwa.

¹² Me-ama sacerdotes ispox, jasox is-el Jesucristo. Japon pajut natapaei asajiw boesaliajwas puexa jiw babijaxan ispoxanliajwa. Japon kaetupaxtat jiw bu'wiapon. Do jawux, Jesucristo Dios poxase. Jaxotse ek pax Dios poklalel.

¹³ Jesucristo jaxotse wujawnawet pax Dios malechaliajwa japon padaelmajiw, japi naexasisliajwa japon tato'alpoxan.

¹⁴ Cristo tup wut japox kaevecesliajwa, jawut Dios naexasiti bu'wujanjillisi pomatkoichaliajwa Diosliajwa, babijaxan ispoxanliajwa.

¹⁵ Espíritu Santo nakkajachawaet xot, matabijas, diachwujnakolax Cristo tup xatishliajwa. Dios jum-aech:

¹⁶ “Asamatkoi tajjiw kajachawaesaxaelen chiekal matabijaliajwa tajjamechan. Samata, tajjamechan naexasisaxaeli.

¹⁷ Xan kaes nejchafaesaxinil japi babijaxan ispoxanliajwa” –aech Dios.

¹⁸ Samata, Dios beltaen wut jiw babijaxan ispoxanliajwa, ja-aech wut, kaes choef xua'asaxili ofrenda isliajwa Diosliajwa.

Wajnejchaxoelaxantat moxaxaespox Diosxot

¹⁹ Takoew, Cristo tup xot, xatis bu'wujanjisal Diosliajwa. Samata, amwutjel Dios naktapaei

wajnejchaxoelaxantat nejmach chiekal moxaliajwas Diosxotse, Dios pejtabernáculobaxot, Lugar Santísimoxot.

²⁰ Cristo tɔp xatis bu'wɔajanjilaliajwas Diosliajwa. Samata, japon, me-ama pajelt nuamt wɔt, ja-aechon xatis pasliajwas Diosxotse. Samata, Dios naktapaeyaxael pomatkoicha duilaliajwas jaxotse.

²¹ Jesús wajsacerdotekolan tataeful Dios pejtabernáculoba Diosxotse.

²² Samata, puexa wajnejchaxoelaxantat moxaxaes Diosxotse, chiekal matabijas xot, Dios diachwɔajnakolax nakbu'weyaxael. Xatisbej matabijas, Dios nakbeltaen xatis babijaxan isaspoxanliajwa. Samata, me-ama nawaenspi wɔt, jatis. Samatabej, me-ama bu'asjisal wɔt, jatis Diosliajwa.

²³ Nejchaxoels wɔt Dios nakbu'weyaxaelpoxliajwa, nejchaxoelaxisal: “Dios bej nakbu'weyaxilbej” —chiyaxisal, nejchaxoels wɔt. Dios isaxael nakjɔmdutpox xatisliajwa.

²⁴ Nejchaxoelaxaes nakaewa nakajachawaesliajwas. Jatis wɔt, kaes pejme pachaemaxaes. Isaxaesbej pachaempoxan nakaewaliajwa.

²⁵ Asew jiw xatisxot kofa culto ispoxan. Xatislax kofaxisal. Nakaewa naewɔajnaxaes kaes Dios xanaboejalijwas. Jasox isaxaes, matabijas xot matkoiyan moxsfulpox wajpaklon Jesucristo pejme pasliajwasik.

²⁶ Xatis chiekal matabijas, Cristo tɔp cruztat nakwemosliajwa xatis babijaxan isaspoxanliajwa. Pe jawɔt, xatis babijaxan isfulas wɔt, jatis wɔt, Dios beltaeyaxil babijaxan isaspoxanli-

ajwa, kaes asan ajil xot pejme tɘpaliajwa, xatis bɘ'wɘajanjilaliajwa.

²⁷ Babijaxan kaes isfulas wɘt, kaeyax nakwewe'paxael. Japox kastikax, xabich chaemilpox. Jawɘt jit itkɘawa-elpoxtat Dios nakkastikaxael chiekal naktoejafaliajwa japajitat, puexa Dios padaelmajiw sɘapich.

²⁸ Chajiakolaxtat aton naexasis-el wɘt Moisés chajia lelpox, kolenje, o, tres aton, taens wɘt japon ispox, ja-aech wɘt, tasalas. Do ja-aech wɘtbej, japi jiw beltae-esal. To'as beliajwas.

²⁹ Dios xabich kaes kastikaxael kofapi Jesucristo pejwɘajan naexasitpox. Japi nejchaxoel wɘt, jɘm-aechi: “Jesucristo tɘp wɘt, japox ma-aech asbɘan jɘmch xatis babijaxan isasproxan nakwemosliajwa” –aechi. Japi jɘm-aechbej babejjamechan Espíritu Santoliajwa, xatis naknejxasinkpon. Dios paxɘlan diachwɘajnakolax tɘp japi jiw babijaxan isproxanliajwa, bɘ'wɘajanjilaliajwa.

³⁰ Xatis matabijas Dios jɘm-aechpox: “Asew jiw babijaxan is wɘt asew jiwliajwa, japi xan kastikaxaelen” –aechox. Dios jɘm-aechbej: “Jiw babijaxan ispi xan kastikaxaelen. Asew jiw lax, babijax is-elpi, japi jiw kastikaxinil” –aech Dios.

³¹ Dios tɘpaxilpon. ¡Japon pejkastikax xabich chaemil!

³² Xamal nejchaxoelam wɘt, ¡nejchaxoelde, akas-estat Jesús pejwɘajan naexasitam wɘt! Japamatkoiyan xamal xabich nabijatam, asew jiw babijaxan is wɘt xamalliajwa, naexasitam xot Jesús pejwɘajan. Ja-am wɘt, xamal kofa-emil. Nakiowa Jesús pejwɘajan naexasisfulam, Dios xamal kajachawaesful xot.

³³ Asew xamalxot jumtis babejjamechan asew jiw pejwɥajnalel, Jesús pejwɥajan naexasit xoti. Japi jiw nabijat asew jiw pijaxtat. Ja-aech wɥt, xamalxotpijiw, asew jiw pejlewla-el itraeliajwa japibej naexasitpox Jesús pejwɥajan.

³⁴ Asew jiw, naexasiti Jesús pejwɥajan, jiw jebatat jias wɥt, xamal japi jiw kajachawae-tam wewe'paspoxanliajwa. Asew jiw xamal wenot wɥt nejew, xamal Jesús pejwɥajan naexasitam xot, nalala-el. Nakiowa nejchachaem-lam nejmatpɥatantat Diosliajwa. Ja-am xamal, wɥaj nawetam xot kaes pejme pachaempox Diosxotse, pomatkoichaliajwapox.

³⁵ Samata, jxamal nabej kofe' Dios xanaboejam-pox! Ja-am wɥt, Dios xamal chaxduiyaxael xabich pachaempoxan japonxotse.

³⁶ Xamal nabijatam wɥt, jnakiowa isfulde, me-ama Dios nejxasink! Ja-amsfulam wɥt, Dios xamal chaxduiyaxael jumdutpox.

³⁷ Dios pejjamechan, chajia lelspx, jum-aech wɥt, jum-aechox Dios jum-aechpox Cristo pejme pasaxoekpoxliajwa: “Kamtalejen pasaxoekon. Piach kijlaxilon pasliajwa.

³⁸ Tajjiw isful wɥt xan nejxasinkaxpoxan, xan nax-anaboeja wɥti, japi duilaxael pomatkoicha xanxotse. Pe asew jiw kofa wɥt naxanaboe-japoxan, ja-aech wɥt, xan nejchachaem-laxinil japi jiwliajwa” –aech Dios jum-aechpox.

³⁹ Xatislax kofa-esal Dios xanaboejaspx napelsasamatas Diosliajwa. Xatis chiekal Dios naexasisfulas wɥt, jatisfulas wɥt, japon xatis nakbɥweyaxael.

11

Jiw xanaboejapox Dios

¹ Xatis chiekal Dios xanaboejas wut, jatis wut, kaenanala chiekal nejchaxoelaxaes ampox: “Dios jum-aechpox diachwajnakolax jachiyaxael. Xan tae-enil wut japox, nakiowa matabijtax jachiyaxaelpox. Japox Dios isaxael” –chiyaxaes kaenanala, nejchaxoels wut.

² Wajwajnapijiw chiekal naexasisfal Dios jumtispor. Japi kaenanala chiekal nejchaxoel: “Diachwajnakolaxdo’, Dios najum-aechpox xanliajwa” –aechi, nejchaxoel wut. Samata, Dios nejchachaemil wajwajnapijiwliajwa.

³ Xatis chiekal Dios xanaboejas xot, matabijas, Dios is ampathat, thatbaxobej, jum-aech wuton. Puexa amwutjel taenspoxan, japoxan puexa taens, Dios is xot. Amwutjel taenspoxan, majt japoxan chiekal ajil.

⁴ Chajiakolaxtat Abel chiekal xanaboejt Dios. Samata, Abel naexasit Dios tato'alpox. Samata, Abel ofrenda is wut Diosliajwa, japox xabich pachaem. Me-ama Cain pijax ofrenda, jachi-el Abel pijax ofrenda. Samata, Abel babijaxan ispoxanliajwa bu'wajanjilon Diosliajwa. Japon Abel chajiakolaxtat boesas wut, tapon. Pe nakiowa, ampamatkoiyan Abel Dios xanaboejtpox nakiowa wultaeflas. Samata, xatisbej Dios chiekal xanaboejaxaes.

⁵ Chajiakolaxtat Enochej chiekal Dios xanaboejt. Samata, Dios bu'feson tathualin athu poxase. Kaes pejme faena-esal, Dios bu'fos xoton. Dios pejjamechan, chajia lelspor, jum-aech wut,

jum-aechox: “Enoc Dios bñfloe-esal wñtfuk, Dios nejchachaemil japonliajwa” —aechox.

⁶ Dios nejchachaemla-el, jiw xanaboeja-el wñti japon. Jiw xanaboejalijwa wñt Dios, japi jiw matxoela chiekal nejchaxoelaxael amprox: “Di-achwñajnakolax Dios duk athñxotse. Samata, Dios nabñ'weyaxael, wñlwekx xot Dios tajnejchaxoelaxtat” —chiyaxaeli, nejchaxoel wñt.

⁷ Chajiakolaxtat Noé chiekal Dios xanaboejt. Dios jumtis wñt matabijsliajwa puexa ampathat bu'laxaelpox, Noé chiekal naexasit. Samata, Dios kito'aspon pinjiyax barkam isliajwa bñ'welijwapon pejjiw. Noé, pejjiw sñapich, Dios naexasit xoti, japi babijaxan ispoxanliajwa bñ'wñajanjil Diosliajwa. Japamatkoiyan puexa jiw, potñajñchanpijiw, chiekal bu'al, Dios naexasis-el xoti.

⁸ Chajiakolaxtat Abrahambej chiekal Dios xanaboejt. Dios to'as wñt nakolsliajwa pejtñajñxot, naexasiton. Samata, Abraham fñlaech Dios chaxdusaxaestñajññ poxade. Jawñt Abraham chiekal matabijs-elon, fñlaeyaxaech poxade.

⁹ Abraham pat wñt Dios jumduchtñajññxot, japatñajññxot asajiw wñajna duil. Abraham naexasit jumduchpox. Samata, japatñajññxot dukjepon. Abraham chimiaba is-el japatñajññxot. Dukjepon carpabatat. Baxael, asamatkoiyan, Abraham paxñlan Isaac, Abraham pamon Jacobbej, japi carpabachantat duilalap japatñajññtat. Japibej Dios jumtis asamatkoi chaxdusliajwas japatñajññ.

¹⁰ Abraham laeja wñt, wñajñawesfulon asamatkoi Dios bñflaelijwas athñ poxase,

pomatkoicha dukaliajwa Dios pajut ispak-lowaxxotse. Samata, Abraham dukje carpabatat asbuan jumch.

¹¹ Chajiakolaxtat Abraham pijow, Sarabej, chiekal Dios xanaboejt. Samata, japow xabich pati'ow wut, naxuwal, Dios jumduch xotow.

¹² Abraham pijow naxuwal wut, Abraham xabich pati'in. Pe nakiowa, Abraham paxulan nalaelt. Do baxael, Abraham pejwulela, xabich kaesful pamojiw. Me-ama ithaej, thaejbelinbej, xabich pin-iakola, ja-aechful Abraham pamojiw. Samata, xajupaxil xajuiliajwas japi jiw.

¹³ Chajiakolaxtat puxa, japi chiekal Dios xanaboeja hasta pejpatupaxtat. Dios jumduchpoxan chaxduiliajwas, japi japoxan naetupaful chaxdui-esalpoxtat. Pe nakiowa, japi chiekal matabija pejwulela Dios jumdutpoxan asamatkoi chaxduiyaxaespox japi pamojiw. Samata, japi xabich nejchachaemil. Japi pajut chiekal matabija xot, jum-aechi: “Xatis ampatujnuxot asbuan jumch nanuamspijwas. Wajtujnukolax ajil pomatkoicha xatis duilaliajwaspox” –aechi.

¹⁴ Japox jum-aech wuti, xatis matabijas japi wujnawesfulpox, asamatkoi Dios buflaeyaxaespox athu poxase, Diosxotse, pomatkoicha duilaliajwapi.

¹⁵ Japi nejchaxoel wut, nejchaxoela-el kaxa naweliajwa Abraham nakoltujnuxot. Naweyax nejchaxoelaxael wut, japi naweyaxael japatujnu poxade.

¹⁶ Pe japi kaes nejxasink Dios poxaliajwase, jaxotse kaes pejme pachaem xot. Me-ama

ampathatat, jachi-el jaxotse. Samata, Dios nejchachaemil japiliajwa jumchiliajwapon: “Ampi tajjiw” —chiliajwapon japiliajwa. Dios chaemt paklowax, pejjiw pat wut japapaklowaxxot duilaliajwase.

17-19 Dios chajia jum-aech Abrahamliajwa: “Naxulan Isaac asamatkoi xabichaxael pamojiw” —aech Dios. Do asamatkoi, Abraham Dios xapaeltas wut, kito'as paxulan Isaac xua'laliajwapon ofrenda isliajwa Diosliajwa. Jawut Abraham ow-aech. Samata, Abraham xua'laliajwa wuton paxulan Isaac, nejchaxoelon: “Dios xajup tupi mat-eliajwa pejme duilaliajwa” —aech Abraham, nejchaxoel wut. Samata, Abraham xua'laliajwa wuton paxulan, jawut Dios kifiachpon. Do jawut, Abraham paxulan xua'la-el wut, ja-aech wut, Abrahamliajwa Isaac, me-ama Dios mat-ech wut, ja-aechon pejme dukaliajwa.

20 Abraham xabich Dios xanaboejsful. Abraham paxulan, Isaac, japonbej Dios chiekal xanaboejsful. Samata, Isaac xabich pati'in wut, jum-aechon paxulan Jacobliajwa, Esaúliajwabej. Kaenanula japiliajwa jum-aechon: “Dios xam kajachawaesfulaxael” —aech Isaac.

21 Isaac paxulan, Jacobbej, chiekal Dios xanaboejsful. Samata, baxael, asamatkoi, Jacob mox pawhajna wut tupaliajwa, japon kaenanula José paxiliajwa Dios kawhajan asamatkoi japi Dios kajachawaesfulaliajwas. Jacob jum-aech kaenanula japiliajwa: “Dios xam kajachawaesfulaxael” —aech Jacob. Do jawut, Jacob Dios kawhajan wut, jum-aechon

Diosliajwa: “Xam xabich pachaemam” –aech Jacob, kilamamsnik wut pejkilachalanaeya.

²² Chajiakolaxtat Jacob paxulan, José, japonbej chiekal Dios xanaboejsful. Samata, José mox pawhajna wut tupaliajwa, jum-aechon israelitas asamatkoi nakolaxaelpox Egipto tujnuxot. Do jawut, José to'anadoft, asamatkoi israelitas Egipto tujnuxot kaelel nakola wut, japi chaxlaeliajwa José pejbut.

²³ Chajiakolaxtat Moisés pax, japon penbej, japi chiekal Dios xanaboejafulbej. Faraón, puexa Egipto tujnupijiw tato'lan, japon israelitas kito'a, paxi poejiw nalaela wut israelitas kamta beliajwapi paxikola. Moisés nalaelt wut, pax, japon penbej, japi pejlewla-el owchilaliajwa rey Egipto tujnupijiw tato'lan kito'aspoxliajwa. Moisés xabich chamian xot, pax, pen sapich, moesti tres juimtje. Do baxael, faraón paxulow fitow chaxti'aliajwas Moisés.

²⁴ Moisésbej chiekal Dios xanaboejsful. Chiekal ti't wut, Moisés nejchaxoel: “Xan nejwesla jiw kaas najumchiliajwa: ‘Moisés, faraón paxulow paxulan’ –nachiliajwa” –aech Moisés, nejchaxoel wut.

²⁵ Do jawut, Moisés nejchaxoelbej: “Tajjiw israelitas, Dios pejjiwpi. Samata, tajjiw xan kajachawaesaxaelen. Tajjiw nabijat, Egipto tujnupijiw xabich nabichax to'as xoti. Xanbej naknabijasaxaelen, japi sapich” –aech Moisés, nejchaxoel wut. Moisés nejwesla dukaliajwa Egipto tujnupijiw xot, Egipto tujnupijiw babijaxan ispoxan nak-isasamatapon.

²⁶ Moisés Dios xanaboejt bu'weyaxaespo

Egipto t̄ajñuxot puexa japon pejjiw, israelitas s̄apich. Samata, Moisés matabijt xot, nejchaxoelon: “Asamatkoi Mesías, Dios makafisaxaespon, japon xabich nabijasaxael. Samata, xanbej amw̄ut nabijasaxaelen Egipto t̄ajñupijiw pijaxtat. Ja-an w̄ut, xan isaxaelen Dios nejxasinkpox. Dios nachaxdusaxaelpox Diosxotse, kaes pejme xabich pachaemaxael. Me-ama Egipto t̄ajñupijiw pejew, pachaempoxan, jachi-el Dios nachaxdusaxaelpox” —aech Moisés, nejchaxoel w̄ut.

²⁷ Moisés xanaboejt Dios kajachawaesaxaespon. Samata, Egipto t̄ajñuxot Moisés chijiapon. Faraón palala w̄ut japonliajwa, pejlwla-elon faraónliajwa. Dios, taeyaxisalpon, Moisés is japon to'aspojan. Pe Moisés, me-ama pajut chiekal Dios taen w̄ut, ja-aechon. Samata, japon Dios xanaboejsf̄ul.

²⁸ Moisés chiekal Dios xanaboejt xot, kito'apon israelitas x̄ua'asliajwa ovejas, Pascuafiesta isli-ajwa w̄ut. Moisés kito'abej kaenan̄ala israelitas, paxipi, bafafachanlelan joelaliajwa ovejajal. Japox is israelitas japi paxi, matxoelanalaelapi, poejiw, Dios pej-ángel wematkaesasamatas.

²⁹ Chajiakolaxtat israelitasbej chiekal Dios xanaboejaf̄ul. Samata, israelitas Mar Rojo likaliajwa w̄ut, min naj̄upanadijan Dios pijaxtat. Japox p̄ut, me-ama mintata-el w̄ut, ja-aech. Chiekal mamó'al. Israelitas japoxade f̄ulaech likaliajwa. Do jaw̄ut, Egipto t̄ajñupijiw, soldaw, japoxadin f̄ulaen w̄uchakal. Jaw̄ut, min namatawaekcha w̄ut, puexa Egipto t̄ajñupijiw, soldaw, chiekal bu'al.

³⁰ Israelitasbej chiekal Dios xanaboejaful xot, siete matkoiyan masajajianpi Jericó paklowax tathoetlel, ia' xajajialsfox. Japox xabich pinjiyax, athubejfox. Jawut japox tatukpaxtat puexa natacholan Dios pijaxtat.

³¹ Jericó paklowaxpijiwxot pawis duk. Pe asamatkoi, Dios xanaboejtow. Japow pawul Rahab. Japow pejbichax, poejiw bu'moejsax, plata kanaliajwa. Kolenje israelitas pat wut chawuajnataenpi japapaklowax, japow chiekal bu'kult, japi israelitas pat wut japow pejbaxot. Do jawutbej, kajachawaetow japi weliajwa. Samata, asamatkoi, israelitas naba wut, Dios naexasis-elpi suapich, Jericó paklowaxpijiw suapich, japow boesa-esal, Dios xanaboejt xotow.

³² Amwutjel tiempo nawewe'p xot, kaes lelaxinil asew jiwliajwa, Dios xanaboejapiliajwa. Samata, lelaxinil Gedeón pejwuajan, Barac pejwuajanbej, Sansón pejwuajan, Jefte pejwuajanbej, David pejwuajan, Samuel pejwuajanbej, kaes asew jiw, profetas pejwuajanbej.

³³ Puexa japi jiw chiekal Dios xanaboeja, laelp wuti. Samata, israelitas, asatujnupijiw suapich, naba wut, padaelmajiw xabich malechapi, Dios kajachawaech xoti. Asew japixot makanoch paklochowliajwa. Japi paklochow wut, chiekal jiw tato'al, Dios kajachawaesfulas xot, me-ama Dios chajia jumdut japiliajwa. Asew japixot peltas xabich leónxot xaeliajwas. Jatis wuti, Dios kajachawaech japi xae-elaliajwas leónes.

³⁴ Asew japixot peldas jit tamdadut poxade. Jatis wut, Dios kajachawaech xot, japi toejwas-esal. Asew japixot espadatat beliajwas wut,

Dios kajachawaech japi weliajwa. Asew japixot majt chiekal matabija-el nabeliajwa, asatɥajɥchanpijiw sɥapich. Baxael, japi chiekal matabija nabeliajwa, Dios kajachawaech xoti. Samata, japi malecha padaelmajiw.

³⁵ Asew watho', chiekal Dios xanaboejapi, pe-jjiw tɥp wɥt, Dios wemat-echpi, japi jiw pejme duilaliajwa.

Asew jiw Dios chiekal xanaboeja. Japi xabich nabijatbej asew jiw pijaxtat kofaliajwapi Dios naexasitpox. Pe ja-aech wɥt, japi kofa-el Dios naexasitpox, japi kaenanɥla nejchaxoel xot: “Kaes pejme pachaem dukaliajwan Diosxotse. Me-ama ampathatat, jachi-el” –aechi, nejchaxoel wɥt. Ja-aech wɥt, japi jiw baes.

³⁶ Asew, Dios xanaboejapi, xabich itxaelaxafafolspi. Xabich seltasbejpi. Asew mɥaxwasixawaeks cadenamɥatat. Jiasbejpi jiw jebachantat.

³⁷ Asew, Dios xanaboejapi, ia'tat matkaejabas, dadaps wɥt. Asew fatarariowlas. Asew baes espadatat. Asew naxoei ovejabɥ'an, o, chivobɥ'an, xabich kijil xoti. Xabich nabijat japi jiw. Japi jiw taduktas atɥaj.

³⁸ Japi jiwlap, majt nabijatpi, japi jiw xabich pachaem, Dios xanaboeja xoti. Me-ama asew jiw ampathatpijiw, jachi-el japi jiw. Pe nakiowa, nabijati. Nanɥamti pajilaxanxot, mɥaxanxotbej. Duilpi pinamɥaxanwɥajantat. Japixot asew duilbej pinamɥathanxotdik.

³⁹ Puexa, japi jiwlap, majt nabijatpi, japi chiekal Dios xanaboeja. Pe nakiowa, kaen japixot Dios chaxdus-esalfɥak jɥmtispox.

40 Dios chajia jum-aech japi wɥaj nawesfulalialjawafuk japox. Dios xatis matxoela naktapaeyaxael wɥt Diosxotse duilalialjas, ja-aech wɥt, majt nabijatpibej tapaejaxaes pomatkoicha duilalialjwa Diosxotse.

12

Wajpaklon Jesucristo xanaboejaxaespoj

¹ Xatis chiekal matabijas, wajwɥajnapijiw xabich nabijat wɥt asew jiw pijaxtat, japi kamta palala-el, Dios chiekal xanaboeja xoti. Xatisbej jachiyaxaes, nabijatas wɥt. Isfulaxaes puexa wajpamamaxtat Dios nejxasinkpoxankal. Samata, kofaxaes asaxan it-elbalapoxan isaxaelpoxan is-elalialjas. Kofaxaesbej babijaxan isfulaspoxan, naktabejsfulpoxan wajnejchaxoelaxan Dios xanaboejaspoxanliajwa.

² Wajpaklon Jesucristo chiekal naexasisfulaxaes. Japon pijaxtat xatis Dios naexasich. Japon pijaxtatbej Dios chiekal naexasisfulaxaes pomatkoicha. Cruztat tɔpax japox xabich padaeyaxkolax. Pe Cristo padalal-el cruztat tɔpalialjwa xatisliajwa, japon chiekal matabijt xot, pejnabijasaxwɥx cruztat, xabich nejchachaemlaxaelpox. Amwɥtjel Cristo ek pax Dios poklalel puexa jiw tato'lalialjwa, pax Dios sɔapich.

³ Xamal nejchaxoelam wɥt, jnejchaxoelde Jesús xabich nabijatpox, jiw babejchow babijaxan is wɥt Jesúsliajwa! Samata, xatisbej kofaxisal Dios xanaboejaspoj, asew jiw babijaxan is wɥt xatisliajwa.

⁴ Xamal nabijatam wut, nabijas-emil, me-ama Cristo. Samata, jboejtaliasfulde babijax isasamatam!

⁵ Xatis Dios paxis. Samata, nejkiowaxisal Dios naknaewuajanpoxan. Dios pejjamechan, chajia lelspox, jum-aech wut, jum-aechox:

“Wua, jnabej naexasisle' Dios fiatpox!

jNabej kofe'bej Dios xanaboejampox!

⁶ Aton, Dios nejxasinkaspon, japon Dios fiach babijax is-elaliajwa. Dios kastikaxaesbejpon, babijaxan is wut, japon aton, me-ama Dios paxulan wut, ja-aech xoton” —aech Dios pejjamechan, chajia lelspox.

⁷ Dios xamal kastika wut, jboejtaliasfulde! Jasoxtat Dios xamal kastika, japon paxim xot. Jiwbej paxi kastika, babijaxan is wut.

⁸ Babijaxan isam wut, Dios xamal fias-el wut, kastika-el wutbejpon, diachwujnakolax xamal Dios paxikola-emil. Dios paxikolam wut, babijaxan isam wut, Dios xamal kastikaxael.

⁹ Xatis jams wut, babijaxan isas. Jatis wut, kaenanula waj-axjiw nakfiat. Nakkastikabej. Samata, ampathatat waj-ax sitaens. Samatabej, jamwutjel kaes pejme naexasisaxaes waj-ax Dios, japon athxotsepon, jaxot duilaliajwas pomatkoicha!

¹⁰ Xatis jams wut, waj-ax nakfiat. Nakkastikabejpi, babijaxan isas wut. Ja-aech, waj-ax nakkastika wut, me-ama japi nejchaxoel. Dios, xabich kaes pejme matabijt. Samata, xatis babijaxan isas wut, nakfiaton. Nakkastikabejpon kofaliajwas babijaxan isaspoxan, xatis chiekal pachaemaliajwas, me-ama Dios pachaem, jachiliajwas xatis.

11 Babijaxan isas wut, Dios nakkastika wut, jawut nejchachaemla-esal. Jawutbej, naliaxt xaeyaxkal. Kofas wut babijaxan isaspoxan isliajwas pachaempoxan, jatis wut, chiekal duilaxaes Diosliajwa.

Chachoelpox, naexasis-esal wut Dios

12 Dios xamal fiat wut, kastika wutbejpon babijaxan isam xot, xamal nejchachaemlafalde, jasoxtat Dios kajachawaesfulaxael xot!

13 Xamal nejchaxoelam wut, jnejchaxoelde pachaempoxan! jJapoxan chiekal isde! Xamal ja-am wut, asey jiw chiekal duila-elpi, pajut matabijaxael. Ja-aech wut, japi xamal nakxataeyaxael isliajwapi pachaempoxan.

14 jChiekal pachaemde asey jiwliajwa, duilam wut! jXamal duilafaldebej, me-ama Dios nejxasink! Jiw, babijaxan ispi, pasaxil Diosxotse.

15 Dios xabich pachaem xatisliajwa. Samata, jnabej kofe' Dios naexasitampox! jChiekal taem babijax isasamatam! Isam wut babijax, asey jiw, Dios xanaboejapi, japox taen wut, japibej isaxael japox babijax.

16 jXamal asey watho' nabej bu'moejs! Nejchaxoelam wut, jnabej nejchaxoele': "Xan nawewe'pael Dios pejkajachawaesax" –chiyaximil, nejchaxoelam wut! Chajiakolaxtat Esaú matxoelapijin xot, xabich kaes pax pejew nosaxaelon, pax naetup wut. Pe asamatkoi, Esaú xabich litaxaela wut, asbuan jumch pakoewanxot kaenaxaeyaxtat xanafonpon pax pejew, japon nosaxaelpi, pax asamatkoi naetup wut.

17 Xamal chiekal matabijam, baxael, Esaú jum-aech paxliajwa: “Ax, xam Dios kawhajande xanliajwa, pomatkoicha Dios nakajachawaesliajwa!” —aechon paxliajwa. Pe pax owchi-esalpon. Samata, jawut Esaú xabich wunow, japox kaes ajil xot japonliajwa.

18 Xamal, Jesús pejwajan naexasitampim, amwutjel tae-emil majt wajwajnapijiw taenpoxan. Chajiakolaxtat wajwajnapijiw, israelitas, pat pinjiyax mmaxxot. Jaxot itkha'nik wut, japi taen pinjiyax jit, japammaxmatwajtat xabich itliak wut. Do jawut, xabich pinajoewa. Xabich pina-iambej.

19 Jawutbej wajwajnapijiw thiataenpi trompeta nabapox. Jumtaenbejpi, Dios naksiyas wut japiliajwa. Jawut xabich pejlewla xot, jum-aechi Dios kaes naksiya-elaliajwas japiliajwa.

20 To'as wut, Dios jumtispi: “Nejmach-aton am-pamaxxot julan wut, japon aton ia'tat dadaepaxaelam matkaejabaliajwampon. O, lanzatat chaxpiyaxaelampon. Jachiyaxaelambej, choefan wut” —tispi Dios wajwajnapijiw.

21 Wajwajnapijiw japox jumtaen wut, xabich pejlewlapí. Moisésbej jum-aech: “Xan tajlewt tathulax” —aech Moisés.

22 Xatis Jesús pejwajan naexasich xot, wajnejchaxoelaxtat moxslis pinamax, pawalprox Sión, Dios dukxot, Jerusalén paklowaxxotse. Japapaklowaxxot natameja ángeles xabich pin-iakola. Japi jum-aech Diosliajwa: “Xam xabich pachaemam” —aech ángeles Diosliajwa.

²³ Dioslap juez puexa jiwliajwa. Xatis mox soepas, Diosxotse, asey jiw s̄apich, japi naexasiti Jesús pejw̄ajan. Japi pejw̄alan wecha-oels Diosxotse. Jiw chajia w̄ajna t̄api, japi jaxotse taeyaxaesbej. Dios beltaen japi babijaxan ispoxanliajwa.

²⁴ Xatis naexasich Jesús t̄appox xatisliajwa. Jesús boesas w̄ut, nakwemot babijaxan isaspoxanliajwa, Dios nakkastikasamata. Samata, amw̄utjel Diosliajwa babijaxan isaspoxan b̄w̄ajanjisal. Chajiakolaxtat Abel boesapon, japon aton masox namana-el. Japon Dios kastikas. Pe Dios beltaen jiw, Jesús boesapi.

²⁵ Samata, ¡chiekal naexasisfulde Dios j̄m-aechpox xamalliajwa! Wajw̄ajnapijiw chajiakolaxtat naexasis-el w̄ut Moisés chajia lelpo, japi we-eli kastikaxxot. ¡Xamal naexasisfulde japon j̄m-aechpoxan! Xatisbej naexasis-esal w̄ut japon j̄m-aechpoxan, xabich nakkastikaxaelon.

²⁶ Dios naksiya w̄ut pinam̄axmatw̄ajtat, japon pejjametat sat xabich najuiya. Amw̄utjelbej Dios j̄m-aech: “Asamatkoi kaes pejme that, thatbaxobej, xan tajaxtat xabich najuiyaxael” –aech Dios.

²⁷ Dios japox j̄m-aech xot, asamatkoi ampathat, thatbaxobej, xabich najuiya w̄ut, puexa Dios ispoxan ampathatat, japoxan chiekal toepaxael. Pe namaeyaxael juiyaxisalpoxankal Diosxotse.

²⁸ Dios tato'alxotse juiyaxisal. Jaxotse pomatkoicha xatis, Dios s̄apich, duilaxaes. Samata, ampamatkoiyan Dios kaw̄ajna w̄ut, graciaschiyaxaes Diosliajwa. Me-ama Dios nejxasink xatis j̄mchiliajwas, j̄mchiyaxaesbej:

“Xam xabich pachaemam” –chiyaxaes, Dios xabich sitaens xot.

²⁹ Me-ama jit toejow toeix, majowpi, jachiyaxael, wajDios jiw babejchow kastika wut.

13

MachiyaxaespoX, laelpas wut ampathatat Dios nejchachaemlaliajwa xatisliajwa

¹ Xamal, Jesús pejwujajan naexasitampim, jnakaewa nanejxasinkampox nabej nakofe'!

² Matabija-emilpi pat wuti nejbaxot, jnabej mastae' japi jiw chiekal bu'kulaliajwam! Chajiakolaxtat asew jiw matabija-elpi bu'kula wut, ja-aech wut, japi jiw bu'kula Dios pej-ángeles.

³ jiw jebachantat jiaspiliajwa, xamal nejchaxoelafalde! Japiliajwa nejchaxoelam wut, jum-amde: “Xanbej, me-ama najia jiw jebatat, jiaspi sapich” –amde, nejchaxoelam wut japiliajwa! jNejchaxoeldebej nabijatpiliajwa asew jiw pijaxtat! Japiliajwa nejchaxoelam wut, jum-amde: “Xanbej, me-ama nabijatax, japi jiw sapich” –amde, nejchaxoelam wut!

⁴ Puexa jiw chiekal sitaeyaxael nakjiyax. Samata, poejiw pijowpi wulwekaxil asew watho'. Watho' pamalpiwej wulwekaxil asew poejiw. Poejiw pijowpi, japi asew watho' wulwek wut, japi poejiw Dios kastikaxaes. Watho' pamalpi wulwek wuti asew poejiw, ja-aech wut, japi watho'bej Dios kastikaxaes.

⁵ jXabich plata nabej nejxasinke'! Ma nejew wut, jdo japoxankal xanejchachaemilde! jJa-amde,

Dios chajia jum-aech xot: “Xamal kofsaxinil tajji-wampox. Xamal tamach waelaxinilbej” —aech xot Dios!

⁶ Samata, Dios xanaboejas xot, nakaewa najumchiyaxaes:

“Dios xatis nakkajachawaet. Samata, wajlewlaxil, jiw asax isasia wut xatisliajwa” — nachiyaxaes nakaewaliajwa.

⁷ ¡Xamal chiekal nejchaxoelde majt xamal tato'alpiliajwa! ¡Asewbej, xamal naewhajanpi Dios pejjamechan, japiliajwa chiekal nejchaxoeldebej! ¡Chiekal nejchaxoeldebej japi jiwliajwa, ma-aech japi jiw, laelp wut ampathatat, is wutbejpi pachaempoxan! ¡Xamallap-is, me-ama japi, jamsfulde! ¡Chiekal Dios xanaboejimbej!

⁸ Jesucristo pomatkoicha xabich pachaempon. Asax nejchaxoela-elon.

⁹ ¡Xamal nabej naexasis, asew jiw xamal naewhajan wut asawhajan, Jesús pejwhajana-el wut! Kaes pejme pachaem Dios naexasisliajwam, japon xamal kajachawaesaxael xot, xamal nejxasink xoton. Asew jiw xae-el nejmachnaxaeyaxan, kaechafiach xoti. Ja-aech wut, japi pejxanaboejaxan nakiowa kaes chiekal mamnika-el Diosliajwa.

¹⁰ Moisés chajia lelpox naexasiti, japi jiw nejchaxoel: “Xatis naexasisaxaes Moisés chajia lelpox. Samata, choef xha'asaxaes templobaxot ofrenda isliajwas Diosliajwa” —aechi, nejchaxoel wut. Pe nakiowa, japi jiw Dios beltaeyaxisal. Pe naexasich wutlax Jesús tappox xatisliajwa, jatis wut, Dios nakb'weyaxael.

11 Puexa sacerdotespaklokolan Lugar Santísimo poxade chaxlech choefjal ofrenda isliajwa Diosliajwa, jiw babijaxan ispoxanliajwa japi bu'wɥajanjilaliajwa. Pe choef, xɥa'ataspi, xafolipi bowaliajwa tathoetlel jiw duilxot.

12 Jatisbej Jesucristo. Paklowax tathoetlel kimatamatlas cruztat. Japon tɥp wɥt cruztat moton puexa jiw babijaxan ispoxanliajwa, japi jiw bu'wɥajanjilaliajwa Diosliajwa.

13 Jesús kimatamatlas wɥt tɥpaliajwa paklowax tathoetlel, japox xabich padalapox. Asew jiw xatis nakjɥm-aech wɥt Jesús pejwɥajan naexasichpoxliajwa: “Japawɥajan naexasisliajwa xabich padalapox” –nak-aech wɥti, nakiowa xatis naexasisfulaxaes Jesús pejwɥajan.

14 Ampathatat ajil wajpaklowax pomatkoicha duilaliajwas. Samata, xatis wɥajnawesfulaxaes asamatkoi Dios pejpaklowaxxotse pomatkoicha duilaliajwas.

15 Jesucristo tɥp wɥt xatisliajwa, Dios naktapaei kawɥajnaliajwas Dios. Samata, xatis pomatkoicha Dios jɥmchiyaxaes: “Xam xabich pachaemam” –chiyaxaes. Japox jɥmtis wɥt Diosliajwa, me-ama ofrenda chaxduws wɥt, ja-aechox. Samata, japox pomatkoicha Dios jɥmchiyaxaes.

16 ¡Nabej nejkiowe' isliajwam pachaempoxan! ¡Kajachawae'ebey kijila! Japoxan isam wɥt, Diosliajwa, me-ama ofrenda chaxduwam wɥt, jachiyaxaelpox. Samata, Dios nejchachaemlaxael japoxanliajwa.

17 ¡Xamal chiekal naexasisfulde, paklochow tato'al wɥt! Japi paklochow kofa-el xamal

tataeflafulpox. Japi chiekal matabija. Chiekal xamal tataeflafula-el wut, ja-aech wut, japi jiw pejbu'wujnaxael Diosliajwa. Samata, ¡chiekal duilaxaelam japi nejchachaemlaliajwa xamalliajwa! ¡Babijaxan nabej is paklochow nejxaejwasamatas xamalliajwa! Babijaxan isam wut, xamalliajwa pachaemaxil.

¹⁸ ¡Xamal Dios kawujjanafulde xanalliajwa! Xanal nejchaxoelx: “Xan babijax is-enil Diosliajwa, asey jiwliajwabej” —an, nejchaxoelx wut. Samata, ¡xamal Dios kawujjande xanalliajwa pomatkoicha chiekal duilaliajwan!

¹⁹ ¡Dios kawujjandebej xan Dios natapaeliajwa xamal poxaliajwan! Xan nejxasinkax xamal kam-talejen pejme taeliajwan.

Ampox carta lelpon saludos xato'apox

²⁰ Dios nakkajachawaet chiekal duilaliajwas, asey jiw suapich. Dios mat-et wajpaklon Jesucristo pejme dukaliajwa, tujp wuton cruztat. Jawut tuadut pajelwujjan, xatis Jesús pejuwujjan naexasich wut nakbu'welialjwa babijaxan isaspox-anliajwa. ¡Japox pomatkoicha chiekal naexas-isfulde! Samata, Jesús chiekal naktataeful. Me-ama oveja tataeflan chiekal pejew oveja tataeful, ja-aech Jesús, xatis naktataeful wut amwutjel, pomatkoichaliajwabej.

²¹ Samata, Dios kawujjnax chaxduiliajwa puexa xamal wewe'ppoxan, isliajwam Dios nejxasinkpoxan. Dios kawujjnaxbej nakkajachawaesliajwa Jesucristo pijaxtat pachaemaliajwas wajmatpuatanxot, me-ama Dios nejxasink, jachiliajwas. Pomatkoicha

jumchiyaxaes Jesucristoliajwa: “¡Xam xabich pachaemam!” –chiyaxaes japonliajwa.

²² Takoew, xan lelxpox xabicha-ellejen xamal naewñajnalijwan. Samata, ¡nabej naewes naewesliajwam ampajamechan!

²³ Xan xato'ax ampawñajan xamal chiekal matabijaliajwam. Timoteo tapaeis nakolsliajwa jiw jebaxot. Japon piach kijla-el wut, xanxot pa'an wut, bñflaeyaxaelen xamal poxade xamal taeliajwam japon.

²⁴ ¡Nawesaludam xamal tato'alpi! ¡Nawesaludambej puxa asew jiw, japi Dios pejjijwpi, naexasiti Jesús pejwñajan! Italia tñajñpijw xamalliajwa saludos xato'a.

²⁵ Xan pomatkoicha Dios kawñajna x puxa xamal kajachawaesliajwapon.

Pajelwaaajan Dios pejjamechan
New Testament in Guayabero (CO:guo:Guayabero)
copyright © 2009 Wycliffe Bible Translators, Inc.

Language: Guayabero

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guayabero

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 18 Apr 2025 from source files
dated 29 Jan 2022
809259d4-ca58-5124-9a05-fd84078a3de3